

行水金鑑

七十一  
七十五

ル 5  
1174  
6





門 五  
1174  
卷 6



行水金鑑

卷第七十一

中憲大夫分巡淮揚等處地方兼理漕務海防河道鹽法屯田事務江南提刑按察使司副使加一級衛漢錄

漢水

蟠冢導漾東流為漢

禹貢 漾史記作養 漢書作養古字通用

泉始出山為漾水東南流為沔水至漢中東流為漢水

孔氏傳

蟠冢山在興元府金牛縣東二十八里漢水出焉經南鄭縣南去縣一百步禹貢蟠冢導漾東流為漢是

也 元和志 金牛舊縣在今漢中府寧羌州西北其蟠冢山在今沔縣西南接寧羌州界南鄭今漢中府治其故城在今府城東北

漢有沔漾之名皆東漢水也地理志西漢水出西縣



嶓冢山南入廣漢白水蓋潛漢也經不著其所出自古皆以為東西兩漢俱出嶓冢則或然矣而西漢固無沔漾之名漢志漾水出隴西氐道至武都為漢武都東漢水受氐道水名沔是則沔漾俱為東漢也獨氐道武都脈絡不之川渠阻隔武都受漾為不可據而桑欽遂徙氐道漾水為西漢之源由是愈紛錯酈道元委曲遷就通之以潛伏之流證之以難驗之論更覺齟齬故當盡廢諸說而一之以經文杜佑通典秦州上邽縣嶓冢山西漢水所出經嘉陵曰嘉陵江經閬中曰閬江漢中金牛縣嶓冢山禹導漾水至此為漢水亦曰沔水其說為可據上邽今廢入清水金

牛今廢入褒城

尚書說 上邽故城在今鞏昌府秦州西南

岷嶓潛沱之義難解今蜀山連綿延亘凡居左者皆曰岷右者皆曰嶓凡水出於岷者皆曰江出於嶓者皆曰漢江別流而復合者皆曰沱漢別流而復合者皆曰潛恐屬方言爾故岷謂之汶今汶川是也漢謂之漾或謂之沔或謂之羌今沿漢水而東有寧羌州有沔縣又東有洋縣即古洋州也洋漾聲相近豈皆得名於漢水云

陸深蜀都雜抄

出沔縣西門曲折行亂山中沔水流經其中畧如棧道但山庫無林木沔流舒緩不及褒水湍悍耳西涉沮水抵大安驛有土城廢址宋置大安軍沔沮之間



闊者未丈許狹者才二三尺沙石磷磷深不沒踝自  
大安西南亂山益稠至金牛驛北望見蟠冢山峩然  
雲表一小水自西東流即所謂蟠冢導漾者也水纔  
濫觴不沒鳧鴈合五丁峽水東流為沔其流始大金  
牛驛西三里稍南五丁峽一名金牛峽在寧羌州北三十里峽口  
縣崖萬仞陰風颯然水自峽中噴薄而出寧羌州在  
亂山中無城堞本沔縣羊鹿坪地明洪武中以山寇  
作亂置寧羌衛於此成化中即衛建州治自州行十  
里渡水過百牢關關下有分水嶺嶺東水皆北流至  
五丁峽北合漾水入沔嶺西水皆南流逕七盤關龍  
洞合嘉陵水為川江常璩言沔出蟠冢合白水為西

漢明與導漾之文相悖按通典蟠冢山有二一在天  
水上邽一在漢中金牛雍大記云西漢水在西和縣  
源出蟠冢山西流與馬池水合此乃上邽之蟠冢在  
今秦州又云漢江源出沔縣蟠冢山東流入金州此  
乃金牛之蟠冢禹貢蟠冢導漾乃沔縣之蟠冢非秦  
州之蟠冢知蟠冢有二則東西二漢源流各自了然  
漾之與沔本為一流與隴西之蟠冢都無交涉常氏  
之誤可不辯而明矣王阮亭蜀道驛程記漢中記蟠冢以東水皆東流蟠冢以西水皆西流故俗以為分水嶺新

城先生言分水嶺與記異恐記是

山海經云漢水出鮒嶠山蓋蟠冢之異名也本在漢  
中郡沔陽縣界沔陽故城在今沔縣東南十里後魏正始中析沔陽置蟠



豕縣屬華陽郡故地形志云其縣有嶓冢山隋省沔

陽入嶓冢屬梁州大業初改置西縣其故城在沔縣界西北去唐西縣治白馬城五里

故隋志云西縣有嶓冢山唐武德二年分利州綿谷

縣之通谷鎮置金牛縣金牛故城本漢廣漢郡葭萌縣地蜀為漢壽縣地晉為晉壽縣地東晉為綿谷縣地而

山入其境故括地志云嶓冢山在金牛縣東二十八

里通典云金牛縣有嶓冢山四年又分綿谷置三泉

縣其故城在今寧羌州西北東至西縣一百五十里天寶初徙治於此西南去舊縣一百二十里寶曆初省金牛入三泉

故寰宇記云嶓冢山在三泉縣東宋至道二年升三

泉縣為大安軍紹興三年改建軍于西縣界復置三

泉縣隸軍今為大安驛在沔縣西南九十里接寧羌州界故輿地紀勝引宋朝郡縣

志云今之言漢水以西縣之嶓冢山為源後又省三

泉入軍故地理通釋云嶓冢山在大安軍西元降軍

為縣故大一統志云漢水源出大安縣嶓冢山明初

以其地改置沔縣又于縣西南置寧羌衛成化二十

二年即衛置州而山入其境故漢中府志云嶓冢山

在寧羌州北九十里蓋此山本在漢沔陽界西南接

葭萌自後魏以來言山之所在曰嶓冢曰西縣曰金

牛曰三泉曰大安曰寧羌地名六變而山則一皆在

古梁州之域其為禹貢之嶓冢無疑也 嶓冢山孔

傳不言所在之郡縣而正義引地理志以實之曰隴

西郡西縣嶓冢山西漢水所出夫此水即嘉陵水之

上源非禹貢之所謂嶓冢導漾東流為漢者也而班



固以西縣之蟠冢為禹貢之蟠冢謬矣自是以後言  
蟠冢者率依班氏如張衡西京賦云終南太乙連岡  
乎蟠冢潘岳西征賦云面終南而背雲陽跨平原而  
連蟠冢玩其辭意皆主隴西而言司馬彪郡國志亦  
云漢陽郡西縣有蟠冢山無異議也自後魏正始中  
析沔陽地置蟠冢縣以表其山而名始著酈道元卒  
于孝昌二年上距正始置縣之時凡二十餘歲本朝  
典故生所親見而注水經不言豈事在成書之後不  
及追改抑亦因其晚出而疑之乎然漾水注引漢中  
記曰蟠冢以東水皆東流蟠冢以西水皆西流故俗  
以蟠冢為分水嶺作者亦似知班志之謬而以禹貢

蟠冢為當在漢中也者不然於漢中記奚為詳及隴  
西之山邪由此觀之則魏收以前已有知蟠冢在漢  
中者不待地形志出而後知也穎達豈未之考乎然  
班志雖以西縣蟠冢為禹貢之山而養水則自繫氏  
道之下不言出某山自水經云漾水出氏道縣蟠冢  
山而氏道亦有蟠冢矣常璩華陽國志云東源出武  
都氏道縣漾山為漾水而氏道之蟠冢且有漾山之  
目矣郭璞志山海經云蟠冢今在武都氏道縣南酈  
道元注水經云東西兩源俱出蟠冢而同為漢水則  
似一山跨二縣之境而在西縣者為西源在氏道者  
為東源矣輾轉迷惑愈久愈譌說經者不能出其窠



白而禹貢之蟠冢幾不可問矣西縣故城在今秦州西南氏道今不知所在蓋自晉永嘉之亂隴西沒於氏羌郡縣荒廢常璩郭璞皆云氏道屬武都而晉志武都郡無之則此縣之不可考久矣要之二縣在隴西皆古雍州域也而禹貢蟠冢乃梁州之山不應闌入雍域故唯魏收所言為得其實而况秦州之蟠冢與寧羌之蟠冢南北相距五六百里也

禹貢錐指

沔水出武都沮縣東狼谷中

水經

沔水一名沮水闕駟曰以其初出沮洳然故曰沮水也縣亦受名焉導源南流泉街水注之出河池縣東南流入沮縣會於沔

鄜注 元和志沮水出興州順政縣東北八十二里按沮縣故城在今漢中府略陽縣界晉永

嘉後沒於氏羌縣廢後魏改置武興縣又僑置畧陽縣西魏改畧陽曰漢曲隋又改曰順政唐為興州治宋復改順政曰畧陽今在寧羌州北二百二十里河池今徽州屬鞏昌府泉街水在畧陽縣北

又東南逕沮水成而東南流注漢曰沮口

水經

所謂沔漢者也尚書曰蟠冢導漾東流為漢山海經所謂漢出鮒嶠山也東北流得獻水口虞仲雍云是水南至關城合西漢水又東北合沮口同為漢水之源也故如淳曰北方人謂漢水為沔水故孔安國曰漾水東流為沔蓋與沔合也至漢中為漢水是互相

通稱矣

鄜注 沮水成在畧陽縣東南沔縣志曰沮水在縣西七十里與畧陽接界漢水自寧羌州東北流逕沔縣故大安軍南又東北至

青羊驛沮口在焉宋開禧二年金人陷大散關叛將吳曦退屯沮口旋還興州沮口即沮口也

又東逕白馬戍南澧水入焉

水經



水北發武都氏中南逕張魯城東魯沛張陵孫陵學道於蜀鶴鳴山傳業衡衡傳於魯魯至行寬惠百姓親附供道之費米限五斗故世號五斗米初平中劉焉以魯為督義司馬往漢中斷絕谷道因遠城治即峻嶺周迴五里東臨濬谷杳然百尋西北二面連峯接崖莫究其極從南為盤道登陟二里有餘濇水又南逕張魯治東對白馬城一名陽平關濇水南流入沔謂之濇口其城西帶濇水南面沔州二水之交故亦曰濇口城矣

酈志 地形志沔陽縣有白馬城今在沔縣西南即漢陽平關亦曰白馬成濇水在縣西三十里

又東逕武侯壘南

水經

諸葛武侯所居也南枕沔水水南有亮壘背山向水

中有小城迴隔難解

酈注 小城亦名石馬城在今沔縣南

又東逕沔縣故城南

水經

城蕭何所築也漢建安二十四年劉備并劉璋北定漢中始立壇即漢王位於此其城南臨漢水北帶通達南面崩水三分之一觀其遺畧厥狀時傳南對定軍山諸葛亮之死也遺令葬於其山因即地勢不起墳壟唯深松茂柏貫蔚川阜莫知墓營所在山東名高平是亮宿營處有亮廟鍾士季征蜀在駕設祠營東即八陣圖也遺基畧在崩褫難識

酈注 沔陽故城寰宇記在西縣東南十六里

今在沔縣東南十里

又東逕西樂城北

水經



在山上周三十里甚嶮固城東容裴谿注之谿水又

北逕城東而北流注於漢鄴注 城在今沔縣西南漢水南岸

又左得度口水水經

出陽平北山水有二源一曰清檢出佳蠖二曰濁檢出好鮒常以二月八日取之美珍常味度水南經陽平縣故城東又南逕沔陽縣故城東而南流注於漢

水鄴注 水在沔縣南二里

又東黃沙水左注之水經

水北出遠山谷邃險人跡罕交谿曰五丈谿谿水側有黃沙屯諸葛亮所開也其水南注漢水南有女郎山有女郎廟言張魯女也有小水北流入漢謂之

女郎水鄴注 沔縣東四十里有沙水女郎山在褒城縣西南

又東合褒水水經

水西北出衙嶺山東南逕大石門歷故棧道下谷俗謂千梁無柱也諸葛亮與兄瑾書曰前趙子龍退軍燒壞赤崖以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可強也又云頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗相聞而已後諸葛亮死於五丈原魏延先退而焚之謂是道也自後案舊修路者悉無復水中柱逕涉者浮梁振動無不搖心眩目也褒



水又東南得丙水口水上承丙穴穴出嘉魚常以三月出十月入地穴口廣五六尺去平地七八尺泉縣注魚自穴下透入水穴口向丙故曰丙穴下注褒水故左思稱嘉魚出於丙穴良木攢於褒谷矣褒水又東南歷小石門門穿山通道六丈有餘刻石言漢明帝永平中司隸校尉犍為楊厥之所開逮靈帝建和二年漢大中大夫同郡王升嘉厥開鑿之功琢石頌德以為石牛道來敏本蜀論曰秦惠王欲伐蜀而不知道作五石牛以金置尾下言能屎金蜀王負力令五丁引之成道秦使張儀司馬錯尋路滅蜀因曰白牛道厥蓋因而廣之矣石門在漢中之西褒中之北

褒水又東南歷褒口即褒谷之南口也北口曰斜所謂北出褒又南逕褒縣故城東褒中縣也本褒國矣又南流入於漢漢水又東逕萬石城下

南口為褒北口為斜長四百七十里褒水在今褒城縣東萬石城在褒城縣東

又東逕漢廟堆下水經

昔漢女所遊側水為釣臺後人立廟於臺上世人觀其頽基崇廣因謂之漢廟堆傳呼乖實又名之為漢

武堆

鄜注 堆在今南鄭縣西南

又東過南鄭縣南

水經

耆舊傳云南鄭之號始於鄭桓公桓公死於犬戎其民南奔故以南為稱即漢中郡治也漢高祖入秦項



羽封為漢王蕭何曰天漢美名也遂都南鄭酈注南鄭今陝西漢中

府治

以今輿地言之漾水出寧羌州北蟠冢山寧羌在漢中府西北三百八十里

東北流逕沔縣西南合沔水又東逕沔縣南沔縣在府西少北九十里

又東逕褒城縣南在府西北四十里沔水去縣二十四里又東逕南鄭縣南為漢

水去縣三里經所謂蟠冢導漾東流為漢者也漢志隴西

氏道下云禹貢養水所出至武都為漢師古曰氏夷種名也氏之所居故曰氏道

邑有蠻夷曰道晉永嘉後地沒于氏羌縣多荒廢氏道今不知所在武都郡武都縣下云東漢水受

氏道水一名沔過江夏謂之夏水入江武都本白馬氏地漢元鼎六年開以為武

都郡治武都縣今鞏昌府成縣西北百里有仇池山山上有仇池城城東南有武都縣故城即漢武都郡治也水經漾水出隴

西氏道縣蟠冢山東至武都沮縣為漢水常璩華陽

國志漢水有二源東源出武都氏道縣漾山為漾水

禹貢導漾東流為漢是也此皆依漢志以為言然氏

道漾水至武都為東漢水卒莫有能言其所經者今

按酈注濁水出濁城北今成縣有濁水成亦曰濁水城胡三省云在上祿縣東南武街城西北東流

與丁令溪水會又東逕武街城南今廣業郡治城在今成縣西三十里又東弘

休水注之又東逕白石縣南白石今為成縣治又東南渥陽水注

之又東南與仇鳩水合又東與河池水合又東南兩

當水注之水出陳倉縣之大散嶺西南流入故道川

謂之故道水西南逕故道城東又西南入廣漢郡界

與沮水枝津合謂之兩當溪水上承武都沮縣之沮

水酈注沮縣今略陽沮水在縣東西南流注於兩當溪又西南注於濁水



濁水南逕槃頭郡東今略陽縣西北一百里有長舉廢縣後魏於此置槃頭郡而南合鳳溪水又東注於漢水觀此文則漢志以沮水枝津上承氐道水下為東漢水可知也氐道雖未詳其處所以地望度之當在西縣之東河池之西上邽之南下辨之北濁水所受有丁令溪水弘休水渥陽水皆出其北蓋自氐道來也其中或有漢志所謂養水者但今無可考耳然沮水枝津上承沮瀆自東入西非自西入東也昔之觀水作記者不察地勢之高下不辨川流之去來遂以為氐道養水合濁水兩當溪由枝津以達沮沔是為東漢之源而不知其非也班固因之故有此誤水經於武都下加沮縣二字蓋亦以氐道

水下通沮水為東漢之源也然漢志不言養水出何山而水經復附會之曰蟠冢則氐道亦有蟠冢山矣常璩知其非是故又因水以名其山曰漾山而為之殊目要知氐道水所出別是一山非蟠冢也近世言漢水者皆知班固之誤而不知其誤所由來故詳著其原委如此 漢志隴西西縣下云禹貢蟠冢山西

漢水所出

括地志秦西垂宮即漢西縣在秦州上邽縣西南九十里元和志蟠冢山在上邽縣西南五十八里然則山在故西縣東北去西

縣三十二里也上邽漢屬隴西郡唐為秦州治今鞏昌府秦州是志云西縣故城在州西南一百二十里蟠冢山在州西南六十里山不甚高而峯岫延長連屬若冢是山在西縣故城東北六十里也與括地元和二志里數不同蓋唐之上邽在今州之西南去西縣故城當較近但山不當更差二十八里耳州志城與山必有

南入廣漢白水東南至江州入江

元和志利州景谷縣本漢白水縣屬廣漢

郡宋為平興縣隋改曰景谷今四川保寧府昭化縣之白水鎮是也鎮在縣西百里白水在縣北二十里至縣東三里合嘉陵江漢巴郡治江州縣其故城在



今重慶府巴縣西大江在縣東南嘉陵江至此入大江過郡四隴西武都廣漢巴郡行二千七百六十里

此與氐道之養水全無交涉水經非一時一手作漾水篇首云漾水出隴西氐道縣嶓冢山東至武都沮縣為漢水此不過依漢志氐道一條以立文惟加嶓冢沮縣為不同耳其所謂漢水即東漢亦與西縣之西漢全無交涉及觀下文東南逕白水葭萌閬中至江州入江則又確是西漢水與武都一條全無交涉矣首尾橫決必魏晉間人所續也

經文有曰廣魏者故廣漢也蓋曹氏改名漢後尋其意指蓋以氐道水南合濁水兩當溪歷槃

人續經此亦其一證頭郡東而南為西漢水也槃頭治長舉亦漢沮縣地故酈注以為東西

兩川俱出嶓冢而同為漢水其言曰劉澄之云有水

從沔陽縣南至梓潼漢壽入大穴暗通罝山郭景純亦言是矣罝山穴小本不容水水成大澤而流與漢合庾仲邕又言漢水自武遂川南入蔓葛谷越野牛逕至關城合西漢水故諸言漢者多言西漢水至葭萌入漢則兩川通波更在沮縣之南矣嘗試以圖志考之漾沮雖有枝津與西漢通要皆自東入西非自西入東也蓋嶓冢亘絕東西俗謂之分水嶺地勢東高而西下故西漢水自略陽縣南入寧羌州界即折而西南避高就下其性則然豈有東入之理澄之所言即禹貢之潛仲邕所言即通谷水也二水皆東漢之枝津西流入西漢水而說者乃謂西漢水至葭萌



入漢顛倒之矣今嶺東漾沮枝津皆入西漢嶺西谿澗之水亦皆入西漢川流去來有目者盡能驗之其可是古而非今乎 酈道元雖有東西兩川俱出蟠冢之說而終以西漢為主注云今西縣蟠冢山西漢水所導也西流與馬池水合又西南合楊廉川水又西南逕始昌峽始昌縣故城西城在今西和縣北又西南逕宕備戍南戍在西和縣東北又西南逕祁山軍南祁山在蟠冢之西七十許里今在西和縣西北七十里又西逕蘭倉城南今禮縣東南有蘭倉故城又南入嘉陵道而為嘉陵水禮縣本漢嘉陵道地屬武都郡西漢水至此為嘉陵水傳同叔云嘉陵江出鳳州大散關西南嘉陵谷至興州北境當會東漢水而東行安得越東漢而為西漢乎宋人以故道水為嘉陵江大非近志皆承其謬故道水合濁水至槃頭郡入西漢水至今猶然何言會東漢而不為西漢耶 又東南逕瞿堆西又屈逕瞿堆南瞿堆即仇池山在今成縣西北百里又東南逕濁水

城南亦曰濁水戍在成縣西又東南逕修城道南今略陽縣西北有修城廢縣漢志作循城屬武都治又東南於槃頭城南與濁水合詳見前又東逕武興城南今略陽縣治即武興故城唐為興州順政縣元和志嘉陵江經順政縣南去縣百步北八十里東至河縣一百七十里 又西南逕通谷唐武德二年分綿谷縣之通谷鎮置金牛縣在今寧羌州金牛驛西三十里庚仲邕曰漢水自武遂川南入蔓葛谷越野牛逕至關城合西漢蓋即此通谷水也通溪上承漾水曰獻水口又西南寒水注之寰宇記大寒水在三泉故縣南十五里西流至龍門山入大石穴龍門山在故三泉縣西七十里今在廣元縣東北八十二里其水即禹貢之潛郭璞所謂從沔陽南流至漢壽入大穴中通峒山下西南潛出者也又西逕石亭戍又逕晉壽城西又南合漢壽水在今廣元縣南水經又東南至葭萌縣東北與羌水合注云白水西北出臨洮縣西傾山又東南逕白水縣故城東又東南逕小劍戍北西去大劍三十里又東南至吐費城南即西晉壽之東北也東南流注



漢水水有津關

元和志晉壽故城在利州益昌縣東南五十里本漢葭萌縣也此為西晉壽今在昭化縣界白水即桓水嘉陵江自陝西寧羌州界東南流逕四川廣元縣西又西南逕昭化縣東南又南逕劍州東又東南入倉溪縣界白水關在寧羌州西南九十里接昭化界東北去關城一百八十里

水經又東南逕巴郡閬中縣注云巴西郡治也

閬水出閬陽縣而東逕其縣南又東注漢水又東南

逕宕渠縣又東南合宕渠水水北出南鄭縣南巴嶺

謂之北水東南流與難水合又東南流逕宕渠縣謂

之宕渠水又東南入漢

三巴記云閬白二水南流曲折三回如巴字即嘉陵江也自蒼溪縣界東南流逕閬中縣

西南又東南逕南部縣東北又東南逕蓬州東又西南逕南充縣東又南入定遠縣界寰宇記云嘉陵水又名閬中水亦曰閬江亦曰渝水華陽國志曰閬中有渝水實民多居水左右天性勁勇銳氣善舞今所謂巴渝舞也宕渠故城在今渠縣東北七十里宕渠水亦名渠江重慶府志云嘉陵江自定遠縣流入合州界又一百九十里合渠江又十里至州城東南合涪江又南四十里入巴縣酈道元以宕渠水為禹貢之潛非是

水經又東南逕江州縣東南入於江注云涪水注之故仲邕謂涪內

水者也

江州作江津誤今據漢志改正

以今輿地言之秦州西和禮縣

成縣

並屬陝西鞏昌府

略陽寧羌

並屬漢中府

廣元昭化劍州蒼溪閬中

南部

並屬四川保寧府

蓬州南充

並屬順慶府

定遠合州巴縣

並屬重慶府

諸州

縣界中皆西漢水之所經也禹貢雖無西漢水然必周知其所歷之地而後可以折東漢受氏道水之妄且廣元以下即禹貢之潛昭化合白水亦即禹貢之桓皆有關於經故備著之禹貢以蟠冢繫梁州而

漢志蟠冢在雍域之隴西一誤也禹貢云蟠冢導漾而漢志以蟠冢所出為西漢水其漾水則出氏道二誤也禹貢之潛乃漾水枝津西出為西漢水而漢志西漢水出西縣之蟠冢三誤也漢志不言漾水出何



山而水經云出氏道縣蟠冢山是氏道亦有蟠冢四  
 誤也漾者東漢之源而續水經者以西漢接漾水為  
 一川五誤也漾沔枝津皆自東入西而酈注從舊說  
 云西漢水至葭萌入漢六誤也川流離合地上灼然  
 可見而酈注惑闕駟之說以為原始要終潛流或一  
 故東西俱受漢漾之名七誤也羣言殺亂學者靡所  
 折衷今說漢水當排棄諸家專主禹貢以沮沔為漢  
 之別源以西漢為漾之枝津而氏道水則存而不論  
 是亦理亂絲解連環之術也

禹貢錐指 按今陝西通志漢中府  
 寧羌州有蟠冢山在州北九十里形  
 如冢漢水所出東入襄陽禹貢蟠冢導漾即此沔縣有漾水在舊大安軍南禹  
 貢蟠冢導漾東流為漢褒城縣有沔水在縣南四里源出古金牛縣界南流合  
 沮水南鄭縣有漢江在城南三里東流至漢陽府會大江水此與禹貢錐指所  
 言相合又按黃宗羲今水經嘉陵江即東漢水源出陝西鳳縣東嘉陵谷歷兩

當縣過畧陽縣治西會東谷諸水流經漢中府城南三里歷陽縣石泉縣南過  
 全州北漢水又東過鄖西縣南又東北屈東南過均州東北過光化縣西南漢  
 水又南運穀城縣東均水入之漢水又東過襄陽城北又東南清江從北來注  
 之漢水又南經安陸州治西過宜城縣東夷水東流注之漢水經潛江縣分為  
 潛江入於江漢水又東南白水注之又經當陽縣之東漢水又東南瀆水入焉  
 漢水又東南至荊門州東九十里至大別山入於江其水自蟠冢為漾水沔縣  
 為沔水漢中為漢水至荊山東為滄浪水蓋因地而稱名也  
 其中所叙之水又與錐指所記詳畧不同備錄之以俟參考

卷第七十一



行水金鑑

卷第七十二

漢水

又東為滄浪之水

禹貢

張平子南都賦云流滄浪而為隍廓方城而為墉李善注引左氏傳屈完所謂楚國方城以為城漢水以為池則是滄浪即漢水也蓋漢水至於楚地則其名為滄浪之水也

尚書全解

漢水自興元南鄭縣又七十二里至城固縣北二里又三百里至洋州興道縣百步又經金州之漢陰縣南二里又五百里至金州西城縣北百步又經洵陽縣又經均州之豐利鄭鄉二縣又六百八十里至均



州武當縣西北四十里水中有滄浪州至此又名滄

浪水

易被尚書說 武當漢屬南陽郡今為均州屬湖廣襄陽府

傳云別流在荊州正義云傳言別流似分為異水按經首尾相連不是分別當以名稱別流也按水經夏水注云康成注尚書滄浪之水言今謂之夏水來同故世變名焉劉澄之著永初山水記云夏水古文以為滄浪漁父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文也此辨最為明晰孔傳實出康成之後以夏水為滄浪故曰別流

滄浪者漢水之色也非因洲而得名李白襄陽歌云漢水鴨頭綠正所謂滄浪說卦震為蒼筤竹漢童謠木門倉琅根字雖不同而音義則一皆言其色青也 禹貢錐指

漢水

自南鄭縣東南

又東得長柳渡

水經

長柳村名又東逕胡城南南對扁鵲城漢水出於二城之間右會磐余水水出南山巴嶺上東流兩分飛清流注南入蜀水北注漢津謂之磐余口

鄜注 胡城在今城固縣西四里

十

又左會汶水

水經

水即門水也出胡城北山石穴中東南流逕胡城北三城奇對隔谷羅布深溝固壘高臺相距門水右注漢水謂之高橋谿口

鄜注

又東黑水注之

水經

水出北山南流入漢諸葛亮牋曰朝發南鄭暮宿黑



水四五十里謂是水也道則百里也

酈注黑水在城固縣西北五里

又東過城固縣南又東過魏興安陽縣南泔水出自旱山北注之

水經

泔水出西南而東北入漢左谷水出西南而東北入漢右谷水出漢北即聶水也聶水歷匈奴城張良渠樊噲臺大城固北城韓信臺東迴南轉又逕其城東而南入漢水謂之三水口也漢水又東會益口水出

北山益谷東南流注於漢水

酈注元和志漢水逕城固縣南去縣二里今城固縣北有城固北城漢

置即大城固也匈奴城在今城固縣西大城固北城在今城固縣境內蔡傳云安陽今洋州真符縣也真符在今洋縣東六十里元省入洋州旱山在今南鄭縣東南漢志安陽蠻谷水出西南北入漢師古曰蠻音潛其字亦或從水泔蠻古字通或以為禹貢之潛非是酈注云泔水即黃水也益水在洋縣西北二十里五

又東至瀟城南與洛谷水合

水經

水北出洛谷谷北通長安其水南流右則瀟水注之水發西谿東南流合為一水亂流南出際其城西南

注漢水

酈注瀟城今洋縣東北二十三里與勢故城是也洛當作駱瀟谷在縣北即駱谷之南口

又東逕小城固南

水經

州治大城固移縣北故曰小城固漢水東歷上濤而逕於龍下蓋伏石驚湍流屯激怒故有上下二濤之名龍下地名也自白馬迄此則平川夾勢水豐壤沃利方三蜀矣度此溯洄從漢為山行之始

酈注今洋縣治即興道故城

小城固城在縣東元和志漢水經興道縣南去縣一百步寰宇記云漢水自發源至此屈曲行三百七十里入金州漢陰縣界

又東逕石門灘

水經



山峽也東會酉水水北出秦嶺西谷南歷重山與寒泉合水東出寒泉涌山頂望之交橫似若瀑布頽波激石散若雨灑勢同厭源風雨之池其水西流入於酉水酉水又南注漢謂之酉口

酈注 灘在洋縣東五十里

又東逕媯虛為灘

水經

世本曰舜居媯汭在漢中西城縣或言媯虛在西北舜所居也後或姓姚或姓媯媯姚之異事妄未知所從

酈注

又東逕猴經灘

水經

山多猴猿好乘危綴飲故灘受斯名

酈注

又東逕小大黃金南

水經

山有黃金峭水北對黃金谷有黃金戍旁山依峭嶮折七里氏掠漢中岨此為戍與鐵城相對

酈注 並在洋縣東八十里

又東合蘧蔭溪口

水經

水北出就谷在長安西南其水南流逕陽都坂東坂自上及下盤折一十九曲西連寒泉嶺漢中記曰自西城涉黃金峭寒泉嶺陽都坂峻嶸百里絕壁萬尋既造其峯謂已踰崧岱復瞻前嶺又倍過之言陟羊腸趨煙雲之際顧看向塗杳然有不測之險山豐野牛野羊騰巖越嶺馳走若飛觸突樹木十圍皆倒山殫艮岨地窮坎勢矣其水南歷蘧蔭溪而南流注於漢謂之蔭口

酈注 陽都坂蘧蔭水皆在洋縣東北又有子午道在洋縣東一百六十里元和志黃金縣有驛即子午道也舊道在洋州



安康縣界梁王神念別開此路

又東右會洋水 水經

洋水導源巴山東北流逕平陽城又東北流入漢謂

之城陽水口 鄜注 隋志西鄉縣有洋水元和志經縣東八里平陽城在今西鄉縣南界

又東歷敖頭 水經

水陸嶮湊魏興安康縣治有戍統領流雜 鄜注 安康縣即今漢陰縣

又東合直水 水經

水北出子午谷巖嶺下又南枝分東注旬水山上有

戍置於崇阜之上下臨深淵張子房燒絕棧閣示無

還也又東南歷直谷逕直城西而南流注漢 鄜注 直城西與今石泉縣

接界寰宇記漢水在石泉縣東百步

又東逕直城南 水經

又東逕千渡而至蝦蟇嶺歷漢陽無口而屆於彭谿

龍竈矣並溪澗灘磧之名也 鄜注 魏地形志金城郡治直城縣其故城在今漢陰縣西

又東逕晉昌郡之寧都縣南 水經

縣治松谿口又東逕魏興郡廣城縣 鄜注 寧都故城在漢陰縣東七十里晉置屬

晉昌郡唐改漢陰寰宇記漢水在漢陰縣南二里今在縣西沈約宋志魏興郡有廣城縣其故城在今紫陽縣東南漢水在縣南門外

又東逕魚脯谿口 水經

舊西城廣城二縣指此谷而分界也 鄜注

又東過西城縣南 水經

又東逕鼈池而鯨灘鯨大也蜀都賦曰流漢湯湯驚

浪雷奔望之天迴即之雲昏者也又東逕嵐谷北口



嶂遠谿深澗峽峻邃氣蕭蕭以瑟瑟風颼颼而颼颼  
故川谷擅其美矣酈注

又東右得大勢水經

勢咀急谿故亦曰急勢也依山為城酈注

右對月谷口水經

山有阪月川於中黃壤沃衍而桑麻列植佳饒水田

酈注

又東逕西城縣故城南水經

漢中郡之屬縣也漢末為西城郡魏文帝改為魏興

郡治酈注漢水自紫陽界折而東北流入興安州界州本漢

又東為鱸湍水經

洪波湔盪瀾浪雲頽古者舊言有鱸魚奮鰭溯流望

濤直上至此則暴鯁失濟故因名湍矣酈注

又東合旬水水經

水北出旬山東南流注漢謂之旬口酈注旬口在今洵陽

縣北山旬水所出南入沔

又東逕木蘭南水經

左岸壘石數十行重叠數十里為木蘭塞云酈注

又東左得清溪水經

與晉旬陽二縣分界於是谷漢水又東注谷甲水口

又東逕上庸郡北與關柎水合關柎水又南入上津

注甲水甲水又東南流逕魏興郡之洵陽縣南又東

行水金鑑卷二十一



右入漢水鄴注 漢志上雒縣甲水出秦嶺山東南至錫入沔當在今白河縣界白河漢錫縣地晉旬陽二縣在今漢中府境上庸郡在今鄴陽漢中二府境

又東逕魏興郡之錫縣故城北水經 錫音陽

為白水灘縣故春秋錫穴地也故屬漢中王莽之錫治也縣有錫義山又東逕長利谷南鄴注 漢志漢中長利縣有鄴關其故城在今鄴西縣西南

又東過堵陽縣堵水入焉自上粉縣北流注之水經

堵水自建平縣界故亭谷東歷新城郡郡故漢中之房陵縣也房陵故縣有粉水縣居其上故曰上粉縣也堵水又東逕方城亭而東北歷參山下而北逕堵陽縣南北流注於漢謂之堵口鄴注 堵水在今鄴縣南堵陽縣在今鄴陽縣南界上粉縣在今

房縣境

又東過鄴陽縣南又東逕鄴鄉縣故城南水經 鄴陽縣在今鄴陽府境鄴鄉唐屬均州元改鄴縣元和志鄴鄉縣漢水西自豐利縣界流入南去縣三里豐利今白河也

又東逕琵琶谷口水經

梁益二州分境於此故謂之琵琶界也鄴注

又東北流又屈東南過武當縣東北水經 今為均州在襄陽府西北三百九十里西去興安州七百里

縣西北四十里漢水中有洲名滄浪洲庾仲邕漢記謂之干齡洲非也是世俗語訛音與字變矣地說曰水出荆山東南流為滄浪之水是近楚都故漁父歌曰滄浪之水清兮可以濯我纓滄浪之水濁兮可以



濯我足余按尚書禹貢言導漾水東流為漢又東為滄浪之水不言過而言為者明非他水決入也蓋漢沔水自下有滄浪通稱耳纏絡鄢郢地連紀郢咸楚都矣鄢注自均州以至漢陽皆名滄浪之水故曰是近楚都

以今輿地言之漢水自南鄭縣南又東逕城固縣南

城固在漢中府東少北七十里水去縣四里舊志云縣東二里有飲馬灘每子午二時潮響如雷又五里為上濤下濤龍亭廢縣在縣東龍亭山下即龍下也

又東逕洋縣南洋縣在府東南一百二十里水去縣二里又東逕西鄉縣東北西鄉在府

東南二百二十里又東南逕石泉縣南石泉在興安州西二百五十里水去縣五十步又東逕漢

陰縣南漢陰在州西北一百六十里水去縣八十里又東逕紫陽縣南紫陽在州西南

志云有怯灘在縣西十五里水陡如閘又大力灘在縣西八里兩岸夾石左右有兩石背最為舟楫患又石梁灘在縣西當任河水口中宮灘在縣東南一里極高險中流有柱石怒濤之聲如雷長灘在縣東四里近汝河灘不甚險商舟停集漁火絡繹皆漢水所經也又東北逕興安

州北州志云州境漢江多灘楚灘串灘二郎灘為險而神灘尤甚明成化十三年知州鄭福於涸冬時用火燒石疏鑿以殺其勢舟行利焉州東一

里有長春堤成化八年為水衝壞十五年鄭福增築高堅萬曆二十年復加修築又東逕洵陽縣南洵陽在州東

水在縣南門外又東逕白河縣北白河在州東南一百七十里又東逕鄖西縣南

鄖西在湖廣鄖陽府西一百四十里水去縣五十里又南逕鄖縣南明成化十二年置鄖陽府治鄖

寶蓋天馬諸山皆錯列漢濱又東逕均州北均州在襄陽府西北三百九十里水去州四十里經所謂又

東為滄浪之水者也禹貢錐指

過三澨至于大別南入于江禹貢

地說曰沔水東行過三澨合流觸大別山陂故馬融鄭元王肅孔安國等咸以為三澨水名也許慎言澨者埤增水邊土人所止也春秋左傳曰文公十有六年楚軍次于句澨以伐諸庸宣公四年楚令尹子越



師於漳滏定公四年左司馬戍敗吳師於雍滏昭公二十三年司馬遂越縊于蓬滏服虔或謂之邑又謂之地京相璠曰杜預亦云水際及邊地名也今南陽滏陽二縣之間滏水之濱有南滏北滏矣而諸儒之論水陸相半又無山源出處之所津途關路唯康成及劉澄之言在竟陵縣界經云即孟康曰即音忌縣北池然池流多矣而論者疑焉而不能辨其所在鄴注北池之池經本作地池流池字鄴

注亦誤

三滏鄭康成說水在竟陵司馬貞引水經以為地名在即縣北謂今竟陵有三參水俗云三噬非也今漢陽漢川有汶水自復州景陵縣來東入於漢寰宇記

亦名滏水疑即三滏之一然據左傳漳滏遠滏之屬皆其水際未可強通今江漢之水漫流沱潛尚不可辨况所謂三滏乎書古文訓

過者三滏之水分流別派至是而始合於漢水也蓋漢水既東流為滏浪之水矣於是過三滏水所入之處於是觸大別山以與江合也尚書全解

按左傳滏有五睢滏宋地故鄴注不引今就其所引者論之不知何者可當禹貢三滏之目蔡傳以漳滏遠滏與汶水為三滏而句滏雍滏其地皆有可考却不數韓汝節宗之以汶滏漳滏遠滏為三滏汶滏古無此名遠滏不知所在紛紛推測終無定論所可知



行水金鑑卷十一  
者三澁為漢水之三大防其地當有名川來入漢上不越滄浪下不踰大別愚意當在涓水入漢處一在襄城北即大隄一在樊城南一在三洲口東皆襄陽縣地在即縣之北也言在竟陵者非是 即縣故城在今襄陽府宜城縣東北其北即襄陽縣之東境是也史記索隱曰三澁地名在南郡即縣北蓋即水經所言今無地以應之涓水注云涓水左右舊有二澁所謂南澁北澁者水側之瀆此京相璠云在南陽涓陽之間者與即縣無涉若以為入漢之水名則二澁不可為三澁水經沔水從襄陽縣東屈西南涓水從北來注之注云襄陽城東有東白沙白沙北有三洲

東北有宛口即涓水所入也涓水今名唐河在襄陽

縣東北及會白水

一名濁水一名弱溝水

又謂之唐白河而涓水之

名遂晦其入漢處名三洲口三國時吳將朱然攻樊司馬懿救之追至三洲口大獲而還又王昶屯新野習水軍于三洲謀伐吳水經即北之三澁豈即此三洲邪然洲澁不同水中可居者曰洲埤增水邊土人所止者曰澁以洲為澁吾終不能無疑 鄭劉皆言三澁在竟陵界故後世說三澁者多求之此地索隱曰今竟陵有三參水俗云是三澁水參音去聲蔡傳曰三澁水名今郢州長壽縣磨石山發源東南流者名澁水至復州景陵縣界又名汧水

韓汝節云汧楚駕反今按唐沔州有汧川縣杜



佑曰以音入宋避太宗嫌名改曰漢川則以與義同音可知廣韻以魚肺切水名蔡傳作以從俗也元和志云以川水在漢川縣南二里漢陽府志云楊子港自景陵縣流逕漢川縣北又東入潁水即以水也疑即三澁之一據左傳漳澁遠澁則

為水際未可曉也湖廣通志曰沔陽州黃蓬之山下

枕大江其東南有三澁焉北為滄浪之水按山臨大

江而所稱三澁者又在其東南與漢水絕無交涉通

志大謬承天府志以司馬河為一澁即出磨石山者馬溪河為

一澁石家河為一澁自京山合流入景陵界謂之三

澁水蓋即索隱所稱三參水參去聲讀若纂蓋上音由以轉而為參也蔡氏謂

即三澁之一者專指司馬河而言大別山在漢陽

府城東北半里漢水西岸左傳小別至於大別杜預

云禹貢漢水至大別南入江然則此二別在江夏界

水經注江水東逕魯山南古翼際山也地說曰漢與

江合于衡北翼際山傍者也山上有吳江夏太守陸

渙所治城蓋取二水之名地理志曰夏水過郡入江

故曰江夏也舊治安陸吳乃徙此山左即沔口矣沔

左有却月城故曲陵縣後乃沙羨縣治也羨音夷元和志

魯山一名大別山在漢陽縣東北一百步其山前枕

蜀江北帶漢水山上有吳將魯肅神祠渭按禹貢大

別山杜元凱已知在江夏不在安豐酈氏亦主杜說

而終不能指魯山為大別至唐人始能言之左傳

定四年吳子伐楚舍舟於淮汭自豫章與楚夾漢史

皇謂子常必速戰乃濟漢而陳自小別至於大別三



戰子常知不可欲奔史皇止之十一月庚辰陳于柏  
舉吳師大敗楚師子常奔鄭孔疏云小別當在大別  
之東何則子常從小別與吳戰退而至大別明自東  
而漸西也今按豫章杜注云漢東江北地自豫章與  
楚夾漢謂吳軍漢東楚軍漢西也子常濟漢而陳自  
小別至於大別言其師衆為長陳自西及東若此其  
遠兩軍合戰則自大別以東尋傳文無從小別與吳  
戰退而至大別之事也小別當在大別之西孔說正  
相反今漢川縣東南有甌山即小別山元和志云小  
別山在漢川縣東南五十里唐漢川縣在今漢川縣  
北三十里故里數不同寰宇記  
云山形如甌土諺謂之甌山索隱云大別山土人謂

之甌山蓋承孔疏之誤二別相去一百二十餘里禹貢  
錐指

漢水自武當  
縣東北又東為佷子潭水經

潭中有石磧洲長六十丈廣十八丈世亦以此洲為  
佷子葬父於斯酈注

又東南逕武當縣故城北水經

又東平陽川水注之水經

水出縣北伏親山南歷平陽川逕平陽故城下又南  
流注於沔酈注 平陽故城  
在今均州境

又東南逕縣城東水經

又東曾水注之水導源縣南武當山一曰太和山山  
形特秀曾水發源山麓逕越山陰東北流注於沔謂



之曾口 鄴注

又東逕龍巢山下 水經

山在沔水中高十五丈廣員一里二百三十步山形峻峭 鄴注

又東南逕涉都城東北 水經

故鄉名也郡國志筑陽縣有涉都鄉均水於縣入沔謂之均口 鄴注 筑音逐涉都城在今穀城縣界均水自南陽府浙川縣流逕均州至穀城入漢今故道已湮

又東南過鄴縣之西南 水經

縣治故城南臨沔水謂之鄴頭 鄴注 今光化縣北有鄴縣故城

又南逕穀城東又南過陰縣之西 水經

沔水東逕穀城南而不逕其東矣城在穀城山上又

東南逕陰縣故城西故下陰也 鄴注 今穀城縣北有故穀城陰縣故城在今光化縣東北

又東南得洛谿口 水經

水出縣西北集池陂東南流逕洛陽城北抗洛谿谿

水東南注沔水也 鄴注

又南過筑陽東筑水出自房陵縣東過其縣南流注之 水經

沔水又南汎水流注之水出梁州閬陽縣汎水又東

逕巴渠北新城上庸東逕汎陽縣故城南晉分筑陽

立自縣以上山深水急枉渚崩湍水陸徑絕 鄴注 房陵縣即今房縣

地界閬陽汎陽未詳所在

又東逕學城南 水經



梁州大路所由也舊說昔有人立學都於此值世荒亂生徒罔依遂共立城以禦亂故城得厥名矣汎水又東流注於沔謂之汎口也沔水又南逕關林山東

酈注 關林一作開林在穀城縣西北四里

又南逕筑陽縣東 水經

又南筑水注之杜預以為彭水也水出梁州新城郡

魏昌縣界東南流逕筑陽縣筑水又東逕筑陽縣故

城南又東注於沔謂之筑口又南逕高亭山東 酈注 今穀城

縣治即筑陽故城筑水在縣南高亭山在縣北

又東為漆灘 水經

新野郡山都縣與順陽筑陽分界於斯灘矣 酈注

又東過山都縣東北 水經

沔南有固城城側沔川即新野山都縣治也舊南陽之赤鄉矣秦以為縣沔水又東偏淺冬月可涉渡謂之交河兵戎之交多自此濟 酈注 今襄陽縣西北有山都故城

又東逕樂山北 水經

昔諸葛亮好為梁甫吟每所登游故俗以樂山為名

酈注 今襄陽縣西北六十里獨樂山是也

又東逕隆中 水經

歷孔明舊宅北亮語劉禪曰先帝顧臣於草廬之中

咨臣以當世之事即此宅也 酈注 今襄陽縣西三十里隆中山是也

又東過襄陽縣北 水經



又東逕方山北山上有鄒恢碑魯宗之所立也山下潭中有杜元凱碑元凱好尚後名作兩碑並述已功一碑沈之岷山水中一碑下之於此潭曰百年之後何知不深谷為陵也山水曲之隈云漢女昔遊處

鄴注 方山一名萬山元和志萬山一名漢臯山在襄陽縣西十一里與南陽鄧縣分界古諺曰襄陽無西言其界促近

又東合檀溪水

水經

水出縣西柳子山下東為鴨湖谿水自湖兩分北渠即谿水所導也北逕漢陰臺西臨流望遠接眺農圃情邈灌疏意寄漢陰故因名臺矣又北逕檀溪謂之檀溪水溪水旁城北注於沔一水東南出應劭曰城在襄水之陽故曰襄陽是水當即襄水也城北枕沔

水即襄陽縣之故城也建安十三年魏武平荊州分南郡立為襄陽郡冠蓋相望一都之會也城南門道東有三碑一碑是晉太傅羊祜碑一碑是征南將軍杜預碑一碑是安南將軍劉儼碑並是學生所立城北枕沔水中常苦蛟害襄陽太守鄧遐負其氣果拔劍入水蛟遶其足遐揮劍斬蛟流血丹水自後患除無復蛟難矣

鄴注 今襄陽縣治即襄陽故城謂之豐城在郡治之西

又逕平魯城南

水經

城魯宗之所築也東對樊建安中關羽圍于禁於此城會沔水泛溢三丈有餘城陷禁降

鄴注 樊城在縣北三里舊志隄防至切者在

襄樊二城間蓋二城並時中流如峽口且唐鄧之水從白河南注橫截漢流以故波濤激射城隄為害最切



又從縣東屈西南清水從北來注之水經

襄陽城東有東白沙白沙北有三洲東北有宛口即

涓水所入也酈注 涓水入漢處名 三洲口在襄陽縣東北

卷第七十二

行水金鑑卷七十二

行水金鑑

卷第七十三

漢水

沔水中有魚梁洲水經

龐德公所居士元居漢之陰在南白沙世故謂是地為白沙曲矣司馬德操宅洲之陽望衡對宇歡情自接泛舟褰裳率爾休暘豈待還桂柁於千里貢深心於永思哉水南有層臺號曰景升臺蓋劉表治襄陽之所築也言表盛游於此表性好鷹嘗登此臺歌野鷹來曲其聲韵似孟達上堵吟矣酈注

又逕桃林亭東水經

又逕峴山東羊祜之鎮襄陽也嘗登之及祜薨後人





立碑於故處望者悲感杜元凱謂之墮淚碑鄴注 桃林亭在襄陽縣

東南山在縣南七里亦曰峴首

又東南逕蔡洲水經

漢長水校尉蔡瑁居之故名蔡洲侍中襄陽侯習郁依范蠡養魚法作大陂池中起釣臺東北二邊限以高隄楸竹夾植蓮芡覆水是游宴之名處也山季倫鎮襄陽每臨此池未嘗不大醉而還恒言此是我高陽池其水下入沔鄴注

又東南逕邑城北水經

習郁襄陽侯之封邑也故曰邑城矣鄴注

又東合洞口水經

水出安昌縣故城東北大父山西南流謂之白水水北有白水陂有漢光武故宅所謂白水鄉也鄴注 安昌本漢春陵縣

後漢曰章陵魏更名安昌在今襄陽縣界

又東過中廬縣東淮水自房陵縣淮山東流注之水經

縣即春秋廬戎之國也縣故城南有水出西山山有

石穴出馬謂之馬穴山鄴注 今南漳縣東有中廬故城

又東南逕黎止故城西水經

建武四年朱祐自觀城圍秦豐於黎止是也鄴注 光武紀注云黎止

故城在今襄州率道縣北率道後改為宜城

又南過即縣東北水經 元和志宜城本漢即縣城東臨漢江古諺曰即無東言東逼漢江其地短促也

又南得木里水會水經



楚時於宜城東穿渠上口去城三里漢南郡太守王寵又鑿之引蠻水灌田謂之木里溝逕宜城東入於

沔酈注

又南過宜城縣東夸水出自房陵東流注之

水經

夸水蠻水也桓温父名夷改曰蠻水夸水導源中廬縣界康狼山山與荆山相隣其水東南流歷宜城西山謂之夸谿又東歷宜城西山謂之深谿東流合於夸水謂之深口也與夸水亂流東出謂之淇水夸水又東注於沔昔白起攻楚引西山谷水即是水也水從城西灌城東入注為淵今熨斗陂是也水潰城東北角百姓隨水流死於城東者數十萬城東皆臭因

名其陂為臭池臭池溉田陂水散流又入朱湖陂朱湖陂亦下灌諸田餘水又下入木里溝木里溝故渠引鄢水也灌田七百頃白起渠溉三千頃膏良肥美

更為沃壤也

酈注 元和志漢水在宜城縣東九里

又逕都縣故城南

水經

古都子之國也楚昭王都之所謂鄢都盧羅之地也

秦以為縣

酈注 故城在宜城縣東南

又東敖水注之

水經

水出新市縣東北又西南流注於沔實曰敖口又南

逕石城西

酈注 新市縣即今京山縣境石城即今安陸府治漢水自宜城南流百七十里至府濁流蓄決最為可虞明嘉靖末下滯上

可勝計



又東南與白水合水經

水出竟陵縣東北耶屈山西流注於沔魯定公四年吳師入郢昭王奔隨濟於成白謂是水也又東過荆

城東酈注 竟陵縣即今景陵縣

自荆城東南流逕當陽縣之章山東水經

禹貢所謂內方山至於大別者也既濱帶沔流寔會

尚書之文矣酈注 在今荆門州東北

又東右會權口水經

水出章山東南流逕權城北古之權國也權水又東

入於沔酈注 荆門州東南有權城

又東南與陽口合水經

水上承江陵縣赤湖逕郢城南東北流謂之楊水又

東北流白湖水注之又東北流得東赤湖水口又東

入華容縣又北逕竟陵縣西又北注於沔謂之楊口

中夏口也沔水又東得澹口其水承大澹馬骨諸湖

水周三四百里及其夏水來同渺若滄海洪濤巨浪

縈連江沔故郭景純江賦云其傍則有珠澹丹灤是

也酈注 陽水即楊水漢志漳水東至江陵入陽水陽水入沔是為陽口古之漳澹也

又東南逕江夏雲杜縣中夏水從西來注之水經

即堵口也為中夏水縣故邗亭禹貢所謂雲土夢作

又故縣取名焉縣有雲夢城城在東北酈注 通典復州沔陽縣有漢雲杜縣故

城在縣西北有夏水沔水今沔陽州南長夏河即夏水也自監利縣流徑州南四十里與潛江縣分水又東北注於漢堵口今失其處蓋為水所湮也漢水在



州北一百里自潛江流入與景陵分水又東入漢川縣界

又東逕左桑 水經

昔周昭王南征渡沔中流而沒百姓佐王喪事故曰

佐喪左桑字失體耳 鄭注

又東合巨亮水口 水經

水北承亮河南達於沔 鄭注

又東得合驛口又東謂之橫桑又東謂之鄭潭又東得

死沔 水經

言昭王濟自是死沔王尸豈逆流乎但千古芒味難

以昭知推其事類似是而非矣 鄭注

又東與力口合 水經

有沔水出竟陵郡新陽縣西南河地山又東南流注

宵城南又南入於沔水是曰力口 鄭注 力口在今景陵縣東南

又東南湏水入焉 水經

沔水又東逕沌水口 水南通縣之太白湖湖水東南

通江又謂之沌口 注 元和志安陸縣湏水故清發水也西北自隨縣流入注於沔今在漢陽縣西北

又東逕沌陽縣北 水經

處沌水之陽也又東逕林鄣故城北 鄣注 今漢陽縣西臨嶂山下有沌陽廢縣林

鄣故城在臨嶂山上

又南至江夏沙羨縣北南入於江

庾仲邕曰夏口一曰沔口矣禹貢曰漢水南至大別

入江左傳定公四年吳師伐郢楚子常濟漢而陳自



小別至於大別京相璠春秋土地名曰大別漢東山名在安豐縣南杜預釋地曰二別近漢之名無緣乃在安豐也案地說言漢水東行觸大別之陂南與江合則與尚書杜預相符但今不知所是矣鄴注漢陽縣本漢沙羨縣地

後漢未嘗為沙羨縣治東晉置沌陽縣齊廢隋改置漢陽唐沔州治宋為漢陽軍江水在城東南漢水在城北三里元和志漢陽縣漢水一名沔水西自以川縣界流入漢口在縣東亦曰夏口左傳謂之夏沔章懷太子注後漢書云漢水始欲出大江為夏口又為沔口實在江北孫權於江南築城名為夏口而夏口之名移於江南沔水入江之口止謂之沔口或謂漢口夏口之名遂與漢口對立分據江之南北矣

以今輿地言之漢水自均州北又東南逕光化縣西

南光化襄陽府西北一百八十里水去縣十五里又東南逕穀城縣東北穀城在府西北一百二十里水

去縣二十五里又東南逕襄陽縣北縣為襄陽府治東南三十里漢水中有龍尾洲縣志云漢水重濁與大河相似

襄陽實當其衝為害最劇自唐以來皆築隄遠城以防潰決又東南逕宜城縣東宜城府東南一百二十里水去

縣四又南逕鍾祥縣西鍾祥為安陸府治又南逕荊門州東荊門府西九十里水去州

一百二十里又東南逕京山縣西南京山府東一百五十里又東逕潛江縣

北潛江府南少東二百十里水去縣二十里又東逕景陵縣南景陵府東南二百十里水去縣五十里又東

逕沔陽州北沔陽府西少東三百三十里水去縣一百里州志云漢水由荊門州界折而東大小羣川咸匯焉勢盛流濁浸淫溢決為

患無已而潛江地居汙下遂為眾水之壑一望瀾漫無復涯際漢水經其間重湖浩渺經流支川不可辨也蓋漢水為湖北之害而襄郢二州為甚潛江又承襄郢之委流當漢江曲折迴合之處瀦為大澤勢不能免矣而景陵沔陽又潛江之委流也今沔陽四境唯湖陂連亘幾數百里皆為漢水所匯蓋漢水性曲往往十里九灣語曰勁莫如濟曲莫如漢郢沔之間波流迴盪自必豬為藪澤小民見填淤之利復從而隄防之為民牧者又不講於節宣之宜疏濬之理歲月之間苟幸無事大水時至則委之洪濤中耳童承叙曰漢水至濁與江湖水合其流必澄故常填淤而沮澤之區因成沃壤民漸芟剔墾為阡陌又因其地之高下修隄防以障之長者廣輪數十里小者十餘里謂之曰垸其不可隄者悉棄為萊蕪昔時垸必有長統丁夫主修葺其後法久弊滋修不以時垸愈多水愈迫容堤愈高主堤愈卑故水至不得寬緩湍怒迅激勢必衝齧主堤先受其害容堤隨之泛濫洶湧悉為巨浸矣又東逕漢陽縣北縣為漢陽府治水去縣三里又東至大別山折而南是為漢口經



所謂過三澁至大別南入於江者也

隄防考云舊時漢水從黃金口入排沙口東北

折抱牯牛洲至鷺公口又西南轉北至郭師口對岸曰襄河口約長四十里然後下漢口成化初忽於排沙口下郭師口上直通一道約長十里漢水徑從此下而故道遂淤今魚利畧存不通舟楫俗呼為襄河以上流自襄陽來也按漢水本東行觸大別之陂而南入江今則自郭師口以上決而東逕大別山後入江非復古之夏洿矣漢志云東漢水一名沔過江夏謂之夏水入

江又云沮水南至沙羨南入江過郡五

武都漢中南陽南郡江夏

行四

千里蓋曲莫如漢故其所行有若是之遠也

禹貢錐指

東匯澤為彭蠡

禹貢

匯迴也水東迴為彭蠡大澤

孔氏傳

彭蠡今鄱陽湖也納江西饒信州諸水自南康軍星

子縣東北至湖口縣入江

書古文解

彭蠡在今江西南昌府城東北一百五十里饒州府城西四十里

南康府城東五里九江府城東九十里周迴四百五十里浸四州之境

彭蠡之為澤寔在大江之南然以地勢北高而南下

故其入於江也反為江水所遏而不得遂因却而自

瀦以為是瀰漫數十百里之大澤

朱子全書

江漢之水相合而其流浸大於是東流於彭蠡大澤

水既鍾於彭蠡則有所迴旋曲折不至於泛溢漂悍

以衝突下流之勢故東為北江入於海也蓋先為之

匯而後為之歸也

尚書解

叙漢江皆言東者主岷嶓居西而云非指曲折為文

也

黃潤玉書解

三江相會而南不能以敵中北西來之勢故中北過南而南相與迴旋而為一大澤者其來久矣今禹本



其所由有澤之因故歸之於漾而為之言曰東匯澤  
為彭蠡而於江亦曰會於匯耳其實彭蠡一澤三江  
之水為之也說者未有發明此義禹貢集解  
江漢二水勢均力敵皆能自達於海者也故禹貢雖  
紀其合流仍各見其首尾紀其合流故於漢水言南  
入於江江漢朝宗於海各見其首尾故於漢水言東  
匯澤為彭蠡東為北江入於海於江水則言東迤北  
會為匯東為中江入於海 彭蠡固江漢之所匯者  
也今春月江水暴漲則匯而入湖蓋江流浩渺而其  
下束以小孤山水道狹甚其勢不得不逆流而入此  
澤故有發舟湖口無風而一夕達鄱陽之安仁者問

其故乃舟乘逆流行甚迅速猶隨潮而上者也故江  
水之匯眾所共知今乃疑之顧弗深考耳且謂漢自  
大別入江合流已七百餘里安能復識其匯澤者為  
漢水邪亦可謂膠固之甚者矣夫單叙漢水源流則  
其勢不得不以漢水為主但既云南入江則東匯澤  
為彭蠡即江漢共匯可知矣不成曰南入於江東與  
江共匯澤為彭蠡然後為明白耶又謂彭蠡在大江  
之南當曰南匯不當曰東匯匯既在南則當曰北為  
北江不當曰東為北江其論南北反戾幾為可笑蓋  
江漢兩水皆發源西蜀而東流入海獨漢水到大別  
入江則析而南流與江相合仍舊東流而匯為彭蠡



又東流為北江以入海其東西南北以天下大勢論  
不主一江南北而言也今若欲改云南匯彭蠡則是  
南流入江之後又南匯彭蠡則漢水當逆流向洞庭  
矣匯澤之後不云東為北江而云北為北江則漢水  
又當決破安慶橫入淮河矣

王充耘讀書管見

贛水出豫章南野縣西北過贛縣東

水經

山海經曰贛水出聶都山東北流注於江入彭澤西  
也班固稱南野縣彭水所發東入湖漢水庾仲初謂  
大庾嶠水北入豫章注於江者也地理志曰豫章水  
出贛縣西南而北入江蓋控引眾流總成一川雖稱  
謂有殊言歸一水矣故後漢郡國志曰贛有豫章水

雷次宗云似因此水為其地名雖十川均流而此源  
最遠故獨受名焉豫章水導源東北流逕南野縣北  
贛川石岨水急行難傾波委注六十餘里逕贛縣東  
右會湖漢水水出雩都縣西北流逕金雞石又西北

逕贛縣東西入豫章水

酈注 今按次宗豫章記十川者贛盧牽  
塗野濁餘鄱僚循也此源謂贛水也贛即

豫章湖漢牽即南水濁當作蜀循當作修塗潦則漢志所無鄱元悉從雷記聶  
都山在南安府崇義縣西南六十里王象之曰章水所經非所出也府志云章  
水出湖廣郴州南三十六里黃岑山自宜章縣流入崇義縣界經聶都山漢志  
謂之彭水是知彭豫章實一水在南極為彭行至贛為豫章猶禹貢嶧家導  
漾東流為漢導沅水東流為濟隨地而異名也劉澄之云贛縣東南有章水西  
有貢水縣治二水之間二水合贛字因以名縣酈元非之然近世皆宗其說以  
豫章為章水湖漢為貢水二水合流自縣至萬  
安縣凡十八灘唯黃公灘最險俗誤稱惶恐灘

又西北過廬陵縣西

水經

十三州志稱廬水西出長沙安成縣吳寶鼎中立以



行水金鑑卷十一  
為安城郡東至廬陵入湖漢水也

鄴注 此漢廬陵縣也故城在今吉安府泰和縣北三十里

又東北過石陽縣西

水經

漢和帝永平九年分廬陵立漢獻帝初平二年吳長

沙桓王立廬陵郡治此豫章水又逕其郡南

鄴注 今廬陵縣北六十

里有石陽故城

又東北過漢平縣南又東北過新淦縣西

水經

牽水西出宜春縣東逕吳平縣又東逕新淦縣而注

于豫章水湖漢及贛並通稱也又淦水出其縣下注

于贛水

鄴注 漢志新淦縣注應劭曰淦水所出西入湖漢師古曰淦音紺又古含反今臨江府清江縣東六十里有新淦故城漢平縣即

今新淦縣宜春縣即今袁州府治吳平縣即今新淦縣

又北過南昌縣西

水經

盱水出南城縣西北流逕南昌縣南西注贛水又有

濁水注之水出康樂縣故陽樂也濁水又東逕望蔡

縣建成縣又東至南昌縣東流入於贛水贛水又北

逕南昌縣城西秦以為廬江南部漢高祖六年始命

灌嬰以為豫章郡治此王莽更名縣曰宜善郡曰九

江焉劉歆云湖漢等九水入彭蠡故言九江矣建安

中更名西安晉又名為豫章城之南門曰松陽門門

內有樟樹高七丈五尺大二十五圍枝葉扶蘇垂蔭

數畝漢官儀曰豫章郡樹生庭中故以名郡矣贛水

又逕郡北為津步水之西岸有盤石謂之石頭津步

之處也西行二十里曰散原山北五六里有風雨池



東太湖十里二百二十六步北與城齊南緣迴折至南塘水通大江增減與江水同漢永元中太守張躬築塘以通南路兼遏此水冬夏不增減水至清深魚甚肥美每於夏月江水溢塘而過民居多被水害宋景平元年太守蔡君西起隄開塘為水門水盛則閉之內多則洩之自是居民少患矣又北逕龍沙西沙甚潔白高峻而陔有龍形連亘五里中舊俗九月九日升高處也又北逕椒止城下又北逕鄒陽縣餘水注之水東出餘汗縣餘水北至鄒陽縣注贛水贛水又與鄱水合水出鄱陽縣東西逕其縣南又西注於贛又有僚水入焉其水導源建昌縣又經海昏縣謂

之上僚水又謂之海昏江分為二水縣東津上有亭為津渡之要其水東北逕昌邑而東出豫章大江謂之慨口其一水枝分別注入於循水也

鄱注 今瑞州府新昌縣東有康樂故城本漢建昌縣地今鄱陽縣西北一百二十里有鄒陽故城鄒音口堯及今南康府建昌縣西六十里有昌邑城豫章大江謂贛水非潯陽江也南昌即今南昌府治餘汗縣即今餘干縣海昏縣今奉新武寧二縣境

又北過彭澤縣西

水經

循水出艾縣東北逕永循縣又東北注贛水其水總納十川同湊一瀆俱注於彭蠡也

鄱注 彭澤即今彭澤艾縣即今寧縣西境今南康府安義縣西南四十里有永循廢縣漢志循水東北至彭澤入湖漢行六百六十里

北入於江

水經

大江南贛水總納洪流東西四十里而清潭遠漲綠



波凝淨而會注於江川

鄴注

以今輿地言之贛水自湖廣郴州宜章縣流入江西

崇義縣界歷上猶南康

並屬南安府

贛縣贛州府治萬安泰和廬陵

吉水永豐

並屬吉安府

峽江新淦清江

並屬臨江府

豐城至南昌入

彭蠡湖

並屬南昌府

又北歷星子都昌

並屬南康府

德化湖口

並屬九江府

注于大江春夏時彭蠡浩蕩無涯及乎霜降水涸則

贛川如帶而已此水自昔有南江之稱鄭康成說三

江云右會彭蠡為南江南史王僧辯傳陳霸先自嶺

南起兵討侯景出南江行至湓口胡三省云贛水謂

之南江唐張九齡都督洪州有望南江入始興郡路

詩又自豫章南還江上作云歸去南江水磷磷見底

清豫章水之為南江其來已久非宋人臆說也

禹貢錐指

沔水與江合流又東過彭蠡澤

水經

尚書禹貢匯澤也漢與江鬪轉東成其澤矣

鄴注

又東北出居巢縣南

水經

古巢國也江水自濡須口又東左會柵口水遵巢湖

東逕烏上城北又東逕附農山北又東左會清谿水

又東左會白石山水又東南積而為竇湖湖水東出

謂之竇湖口柵水又東南逕高江產城又北委折蒲

浦出焉柵水又東南流注於大江謂之柵口水

鄴注秦置居

巢縣即今廬州府之無為州巢縣界也

又東過牛渚縣南又東至石城縣

水經



經所謂石城縣者即宣城郡之石城縣也牛渚在姑  
孰烏江兩縣界中也于石城東北減五百許里安得  
逕牛渚而方界石城也蓋經之謬誤也

縣是也姑孰今太平府當塗縣烏江在今和州蓋江水先經  
無為州然後至和州境也水經此後一往多誤故置不錄

鄣注漢置石城縣  
今江南池州府貴池

東為北江入於海

禹貢

自湖口以東江匯固同流矣而有北江中江之號者  
以今江西言之謂之北江荆揚言之為中江也大江  
過湖口東行至通州海門縣入海尚數千里禹貢止  
于匯者揚州無江患也

書古文訓

漢既入江與江混為一水而又曰東為北江入於海  
有似別為一水然何也蓋漢水源遠流大可亞於江

兩相匹配其他小水入大水之例不同故於荊州言  
朝宗於海必以江漢並稱蓋曰江之入海非獨江水  
實兼漢水江固為江漢亦為江也故漢得分江之名  
而為北江記其入海者著其為瀆也三瀆皆自為一  
瀆惟江與漢共為一瀆導水九條始之以三水終之  
以二水而中間記四瀆其一河一瀆也其二漢與江  
一瀆也其三濟瀆其四淮瀆河瀆非無他水入之然  
皆小水入大水故河得以大并小而專為瀆江漢勢  
體均敵二水合流所以如此其大不以漢附於江而  
泯其入海之實故於漢於江並言入海而同為瀆也  
若漢不為瀆則東為北江入於海七字衍文而其序



當殿導洛之後矣

書纂言

禹貢於嶓冢導漾之下則曰南入於江東匯澤為彭蠡東為北江入於海於岷山導江之下則曰東迤北會為滙東為中江入於海此二條者朱子及九峯蔡氏皆以彭蠡乃江西諸水所潴固無仰於江漢之所滙而江漢二水並持東下又不見所謂北江中江者孰是以疑經之誤其說甚備愚嘗親歷其地細觀其說而以經文証之乃知經文無誤二先生之說皆過論也夫滙本訓迴乃下流泛溢他水勢不能洩於是迴旋停蓄潴而為澤之謂也今春夏之間江漢水漲則彭蠡之水鬱不得流而逆注倒積潴為巨浸茫然

數百餘里無復畔岸其匯為澤蓋如此雖無仰於江漢之所入然是因其下流物故湖水壅闕沮抑而不能出方能成其澤爾非謂江漢之水截入澤內而為滙也若其截入為澤則但如他條曰至曰入可也何必變文言滙哉此東匯澤為彭蠡東迤北會為滙本無誤矣漢水不言會者為江水所隔與彭蠡不相接也江水不言彭蠡者與漢互見也逮夫二水漸消則彭蠡之水溢出大江循南岸而行與二水頡頏趨海所謂其北則江漢之濁流其南則鄱陽是矣第江水濬發最在上流其次則漢水自北岸而入又其次則彭蠡之水自南岸而入三水並持東下則江為中江



漢為北江而彭蠡之水入江並流為南江者不言可知非謂分支各派判然殊途為二江也此東為北江東為中江入於海亦無誤也而理明義精如我朱子九峯又其高弟乃皆不能無疑於斯何與况經文簡奧其言南入於江東滙為澤蓋亦無遠不包而曰南曰東與今水道屈折迤邐勢正相符今却又云經文自有謬處與今水道全然不合不可強解此不可曉也又按江水自東陵而下漢水自漢陽而下其勢皆漸趨東北湖口為江漢所滙之處正在東陵漢陽東北與經文亦合今却又云於漢水則宜改曰南滙彭蠡於導江則宜改曰南會於滙此又不可曉也若夫

所謂橫截南入於鄱陽又橫截而北流為九江又謂至此而後一先一後以入於彭蠡既滙之後又復循次而出以為二江此自說者之誤非經文之誤也蓋經意以為漢雖入江而自循北岸以達於海不可泯滅故有東滙北江入海之文朱子偶未之思以為二水既合則有江無漢故既疑其誤而復有取於鄭樵之說以為東滙澤為彭蠡東為北江入於海二句宜衍蔡氏篤信朱子不復別求其說遂再立論以疑經皆非也或曰南之有江猶北之有河皆大水也然渭水洛水皆入於河不言中河北河安知中江北江之說不為誤乎是不然河源遠出閩磨黎山自積石龍



門而下氣勢雄猛流波洶洽而洛渭二水近出烏鼠  
同穴熊耳諸山不數百里遂達於河幾不能見安得  
與河為敵若夫江源出於嶓冢既不相遠而其通流  
之地大小雖殊終不相捨則漢雖入江猶得各紀其  
為滙為江入海之實夫豈過乎河可以包渭洛而江  
不得以包漢故於兗州則曰九河既道不兼渭洛而  
言荊州則曰江漢朝宗於海對舉二水而並言之禹  
貢之立義精矣嗚呼經賴真儒而明禹貢有朱子及  
蔡氏者為之辨析其義猶晦信乎說難矣

辯

漢既入江所行與江同道故於導江下釋之

禹貢錐指

卷第七十三



行水金鑑

卷第七十四

江水

岷山導江東別為沱

禹貢

岷山江所出在梁州沱江別名

孔氏傳

漢地理志云南郡支江縣江沱在西此荆州之沱也  
蜀郡郫縣江沱在西此梁州之沱也蓋自江水溢出  
別為支派者皆名為沱故梁荆二州皆有沱也此言  
東別為沱接於岷山導江之下則自江水始出而別  
流者也意其指梁州之沱也

尚書全解

易氏曰岷山漢志在蜀郡湔氐道西徼外考唐志岷  
山近在茂州而江源遠出西徼松州交川縣古西羌



地江源鎮在縣西北三十里江南流二百四十里至  
冀州冀水縣二百步又六十里至茂州汶山縣汶山  
即岷山禹導江始此又經蜀州之青城縣彭州之導  
江縣後以二縣治永康軍又三百七十里至成都縣  
南七里縣有沱江鎮以沱水名即東別為沱者也

言四川總志成都縣附郭沱江一在新繁治西北一十五里源出岷  
江禹貢岷山導江東別為沱即此一在灌縣南一十五里俱流入府界

舊說江出岷山在今茂州汶山縣發源不一而亦甚  
微水經注曰其源若甕口可以濫觴四川總志曰岷  
山在茂羌之列鷲村一名鴻濛即隴山之南首故稱  
隴蜀又名沃焦山江水所出水利志曰蜀諸水咸出  
岷江江源在羌地之列鷲村名羊膊嶺者分為二派

一西南流為大渡河一正南入溢村至石紐過汶川  
歷今灌縣境又有湔水出焉灌之上流西北十數里  
有水出尤溪口又數十里有水出白沙口同會於灌  
經灌西南流者為之南江即禹所導岷江正流江源  
志曰岷江發源於臨洮之木塢山山頂分東西流由  
甘松嶺八百里至漳臘其水漸大復經鐮刀灣達松  
潘於下水關入紅花屯達壘溪至穆肅堡黑水從南  
合之入深溝經茂州南至於威汶轉銀嶺合草坡河  
至蠶巖入灌口分道而下由威至玉壘山為玉輪江  
至汶為皂江至灌為沫江一云洮河發源岷山北流  
入陝為臨洮府南入川為大川之祖范成大曰江源



自西戎中來由岷山澗壑出而會於都江世云江出  
岷山者自中國所見言之也陸游曰常登嶓冢之山  
有泉涓涓出山間是為漢水之源事與經合及西游  
岷山欲窮江源而不可得蓋自蜀境之西大川廣谷  
谿衍起復西南走蠻箐中皆岷山也則江所從來尤  
荒遠難知履按雲南志謂金沙江之源出於吐蕃之  
犁石南流漸廣至於武定之金沙巡司經麗江鶴慶  
又東過四川之會州建昌等衛以達於馬湖叙南然  
後合於大江趨於荆吳又緬甸宣慰司志謂其地勢  
廣衍有金沙江闊五里水勢甚盛緬人恃以為險其  
源之遠且大也明矣何為言江源者止於岷山耶蓋

江出犁石即崑崙之南河出朶甘思即崑崙之西二  
源實前人所未詳也

方中履古今釋疑

川西皆岷岷北流為洮入黃河南流入川為大江此  
知岷峨總是一山只橫障西南二處為異耳今江水  
果隨岷峨至嘉眉直下中間如雋州之大渡沫水夾  
江之青衣犍為之漢水無不湊集至嘉定為一都聚  
合之禹貢岷山導江一語地勢愜合

蔣鳴玉漢水記考


岷山廣遠江水所出必有定處近世無能窮其源者  
隋經籍志有尋江源記一卷今不傳未知其說云何  
據漢志言江水出湔氐道西徼外則當以酈注所引  
益州記為正自晉以下說江源者皆云出羊膊嶺與



益州記同羊膊嶺一名鐵豹嶺按益州記江水發源  
自羊膊嶺東南下二百餘里至西陵又南下二百四  
十里至汶山故郡即今茂州是也然則江源在茂州  
之西北去州四百四十餘里亦可謂遠矣而范至能  
陸務觀乃云江源出西戎不可窮極蓋以唐人言江  
源自松州甘松嶺始元和志松州治嘉成縣南至翼州一百八十里  
甘松嶺在縣西南十五里交川縣北至州三十  
四里江源鎮在  
縣西北三十里而當時又有謂羊膊嶺在茂州列鵝村者  
其地太近故為是說非謂江源更在羊膊之外也近  
志引江源記云岷江發源於臨洮木塢山山頂分東  
西流南流八百里經甘松嶺又南經漳臘堡西其水  
漸大復經鐮刀灣達松潘下水關臨洮今陝西洮州

衛也在松潘之東北江源果發此則又自東北而來  
與氏道西徼外之岷山相去懸絕為此說者蓋因隋  
志云岷山在臨洮郡臨洮縣括地志云岷山在岷州  
溢樂縣見有一水自木塔山來入江者遂以為江水  
發源彼中明與漢志相背無稽之言不可從也 古  
今言岷山者凡四處一在今四川松潘衛衛東南去  
布政司七百六十里史記作汶山封禪書云自華以  
西名山七有瀆山蜀之汶山也漢書地理志云岷山  
在湍氏道西徼外江水所出蜀志秦宓曰蜀有汶阜  
之山江出其腹華陽國志云岷山一名沃焦山其跗  
曰羊膊江水所出任豫益州記云大江泉源始發羊







山廣谷豁，砥起伏西南，走蠻箐中，皆岷山也。薛季宣曰：今自岷洮松壘以南，其大山峻嶺，班班可考者，皆岷山之隨地立名者耳。此說是也。觀漢志云：山在徼外，則固不可以湔氏一縣限之矣。大抵岷山北起于溢樂，實跨古雍州之境，而南則訖于青城，綿地千餘里，與太行伯仲。或專指在松潘，亦非篤論。然大江所出，則必直氏道西徼外者也。沱謂梁之郫江，荆之夷水也。東別為沱者，謂江水東流而別為沱，以大勢言之，江自梁而荆，皆東也。傳云：江東南流，沱東行，非是。正義云：以上云浮於江，沱潛漢，其次自南而北，江在沱南，知江東南流，而沱東行，是專以荊州之沱釋傳。

也。蔡傳云：沱江之別流於梁者，則又遺却荊州之沱，東至於澧，相去不太闊絕乎。唯林氏兼二州言之，確不可易。

禹貢錐指：梁州之沱，爾雅音義云：沱水自蜀郡都安縣湔山與江別而東流。地理志：禹貢江沱在蜀郡郫縣，西東入大江，此即今之郫也。一在江北，寰宇記：江自枝江縣百里洲首受，別北為內江者，一在江南水經注：夷水出魚復縣江，至夷道縣北東入江者，是今湖廣荊州府宜都縣西有夷道故城。

岷山在蜀郡氏道縣大江所出東南，過其縣北。

水經

岷山即瀆山也。水曰瀆水矣。益州記曰：大江泉源，即今所聞始發羊膊嶺下，緣崖散漫，小太百數，殆未濫觴矣。東南下百餘里，至白馬嶺，而歷天彭關，亦謂之為天谷也。秦昭王以李冰為蜀守，冰見氏道縣有天彭山，兩山相對，其形如闕，謂之天彭門，亦曰天彭關。



江水自此已上至微弱所謂發源濫觴者也漢延平

中岷山崩壅江水三日不流郡注 氏道即蒲氏道蜀漢曰氏道晉改名升遷今四川松潘衛治是也

通典彭州導江縣西有天彭關兩山相對如關州名取此導江即今灌縣西北去松潘六百餘里非益州記之所謂天彭關也

江水自天彭關東逕汶關而歷氏道縣北水經

漢武帝分蜀郡北部置汶山郡以統之縣本秦置後為升遷縣也益州記曰自白馬嶺回行二千餘里至龍涸又八十里至西陵縣又南下六十里至石鏡又六十餘里而至北部始百許步又西百二十餘里至汶山故郡乃廣二百餘步又西南百八十里至濕坂江稍大矣故其精則井絡纏曜江漢晒靈河圖括地象曰岷山之精上為井絡帝以會昌神以建福故書

曰岷山導江泉流深遠盛為四瀆之首廣雅曰江貢也風俗通曰出珍物可貢獻釋名曰江共也小水流入其中所公共也東北百四十里崆山中江所出東注於大江又東百五十里曰岨山北江所出東注於大江江水又逕汶江道汶出徼外嶠山西玉輪坂下而南行又東逕其縣而東注於大江故蘇代告楚曰蜀地之甲浮船於汶乘夏水而下江五日而至郢謂是水也

郡注 升遷縣後魏時陷於吐谷渾周天和元年改置龍涸郡嘉誠縣龍涸亦曰龍鶴華陽國志云蜀時以汶山險要自汶江龍鶴冉驪白馬匡明皆置戍守元和志雲山在松州嘉誠縣東八十里春夏常有積雪甘松嶺在縣西南十五里龍涸故城俗名防渾城在翼州衛山縣北十一里城之北境舊為吐谷渾所居故曰防渾竿橋在縣北三十七里架北江水元和志翼水縣北至翼州六十里石鏡山在縣東南九里大江水經縣西二百步汶江為蜀郡北部都尉治故謂之北部漢元鼎六年以冉驪地置汶山郡治汶江縣地節三年郡廢縣屬蜀郡建安中先主定蜀復分置汶山郡治汶江縣今茂



州是也其故城在州北三里晉移郡於緜虎縣界改汶江曰廣陽屬焉在今州南二百里故謂漢所置曰汶山故郡即宣帝所廢為蜀郡北部也隋改廣陽曰汶山縣復置汶山郡元和志云有汶山即岷山去青城百里元和志濕坂在茂州汶川縣南一百三十七里嶺上樹木森沉常有水滴未嘗暫燥故曰濕坂汶水亦名玉輪江方輿勝覽云在汶川縣北三里玉壘山元和志云在汶川縣東北四里也縣北去茂州百里本漢縣屬虎縣地今為保縣

又有湔水入焉

水經

水出緜道亦曰綿虎縣之玉壘山呂忱云一曰半浣

水也下注江

酈注地理志蜀郡緜虎縣玉壘山湔水所出縣虎即今成都府汶川縣

又東別為沱

水經

郭景純所謂玉壘作東別之標者也渡江有笮橋

酈注

又歷都安縣

水經

李冰作大堰於此堰於江作壩壩有左右口謂之湔壩江入郫江檢江以行舟益州記曰江至都安堰其

右檢其左流遂東郫江之右也因山頽水坐致竹木以溉諸郡蜀人旱則藉以為溉雨則不過其流故記曰水旱從人不知饑饉沃野千里世號陸海謂之天府也諸葛亮北征以此堰農本國之所資以征丁千二百人主護之有堰官江水又逕臨邛縣縣有火井鹽水昏夜之時光興上照又逕江鄉縣鄰江水出焉又東北逕郫縣又東逕成都縣縣有二江雙流郡下故楊子雲蜀都賦曰兩江珥其前者也風俗通曰秦昭王使李冰為蜀守開成都兩江溉田萬頃兩江有七橋直西門郫江冲里橋西南石牛門曰市橋吳漢入蜀自廣都令輕騎先往焚之橋下謂之石犀淵李



水昔作石犀五頭以厭水精穿石犀渠於南江命之曰犀牛里後轉犀牛二頭在府中一頭在市橋一頭沈之於淵也大城南門曰江橋橋南曰萬里橋西上曰夸橋下曰荻橋南岸道東有文學始文翁為蜀守立講堂作石室於南城後學堂火後守更增二石室後州學奪郡學移夸里道西故錦官也言錦工織錦則濯之江流而錦至鮮明濯以沱江則錦色弱矣遂命之為錦里也江北則左對繁田文翁又穿湔洩以溉灌繁田一千七百頃又東絕綿洛逕五城界至廣都北岸南入於江謂之五城水口斯為北江水又東至南安為碧玉津故左思云東越玉津也

郡注 都安本漢縣虎郫江原

三縣也蜀漢分置都安縣屬汶山郡唐改導江屬成都府明為灌縣都安故城在縣東都安堰在縣西華陽國志曰李冰壅江作壩穿郫江檢江別支流雙過郡下以行舟船蓋以郫檢為二江檢江即任豫之所謂流江也又有捷尾堰元和志云在導江縣西南二十五里李冰作之以防江決破竹為籠圍徑三尺長十丈以石實中累而壅水臨邛縣漢屬蜀郡今邛州是江鄉今為崇慶州漢志江鄉縣郫水首受江南至武陽入江武陽今眉州及新津仁壽井研三縣地故郫城元和志在縣北五十步成都故城即今縣治蜀王開明故都也秦置成都縣舊有大城少城羅城羊馬城漢蜀郡有廣都縣其故城在今成都縣東南新津縣東北繁田繁縣之田今為新繁也

又東南過捷為武陽縣青衣水沫水從西南來合而注之

水經

縣故大夜郎國漢武帝開道置以為縣有郫江入焉出江鄉縣首受大江東南流至武陽縣注於江縣下注上舊有大橋廣一里半謂之安漢橋水盛歲壞民苦治功後太守李嚴鑿大杜山尋江通道此橋遂廢



縣有赤水下注江此縣藉江為大堰開六水門用灌郡下北山江水又與文井江會李冰所導也文井水又東逕江都縣縣濱文井江江上有長堤堤跨四十里有朱亭又東至武陽縣天社山下入江江水自武陽東至彭亡聚曰外水又東南逕南安縣西有熊耳峽連山競險接嶺爭高有灘名壘坻亦曰鹽漑李冰所平也縣治青衣江會衿帶二水矣即蜀王開明故治也縣南有峨眉山有濛水即大渡水也水發濛溪東南流與泔水合南至南安入大渡水大渡水又東入江

入江 鄰注 犍為郡有南安縣今嘉定州及夾江犍為洪雅等縣皆其地武陽已見前水經青衣水出青衣縣西蒙山東與沫水合也至犍為南安縣入於江沫水出廣柔徼外東南過旄牛縣北又東至越嵩靈道縣出蒙山南東北與青衣水合東入於江

又東南過犍道縣北若水淹水合從西來注之又東注

水北流注水經注水疑誤北流注下當有之字

縣本犍人居之地理風俗記曰夷中最仁有人道故字從人秦紀謂犍僮之富者也漢武帝感相如之言使縣令南通犍道費功無成唐蒙南入斬之乃鑿石開閣以通南中迄於建寧二千餘里山道廣丈餘深三四丈其鑿之跡猶存江中崖峻岨險不可穿鑿李冰乃積薪燒之故其處懸巖猶有赤白元黃五色焉

鄰注 犍道屬犍為郡今為宜賓縣叙州府治水經若水出蜀郡旄牛徼外東南至故關為若水也南過越嵩印都縣西直南至會無縣淹水東南流注之又東北至朱提縣西為瀘江水又東北至犍道縣入於江淹水出越嵩遂久縣徼外東南至蜻蛉縣又東過姑復縣南東入於若水

又與符里水合水經



水出寧州南廣郡南廣縣故犍為之屬縣也導源  
汾關山北流有大步水注之出南廣縣北流至符里  
水又北逕棘道入江謂之南廣口鄜注故符縣在今  
叙州府合江縣西

又東過江陽縣南洛水從三危山東過廣魏洛縣南東  
南注之水經

洛水出洛縣漳山南逕洛縣故城南廣漢郡治也又  
南逕新都縣蜀有三都謂成都廣都此其一焉與縣  
水合水西出縣竹縣又與湔水合亦謂之郫江也又  
逕犍為牛鞞水又東逕資中縣又逕安漢縣謂之綿  
水也自上諸縣咸以溉灌故語曰綿洛為沒沃也綿  
水至江陽縣方山下入江謂之綿水口曰中江江陽

縣枕帶雙流據江洛會也

鄜注江陽屬犍為郡今叙州府富順  
縣及瀘州納溪江安皆其地漢志廣漢  
郡雒縣章山雒水所出南至新都北入湔縣竹縣紫岩山縣水所出東至新都  
北入雒縣洛會湔以湔為主故縣虎縣下云湔水東南至江陽入江過郡三行  
千八百九十里鄜注言湔水至廣都北岸入江蓋特其枝津相通耳正流則固  
合綿洛至江陽入江也湔水與郫江通波故曰縣洛與湔水合亦謂之郫江四  
川總志新都縣在成都府北六十五里本漢舊縣屬漢廣郡後置新都郡  
治雒縣雒縣即今漢州資中即今資縣內江地安漢縣在今富順縣界

逕安漢縣北水經

縣雖迫山川土地特美蠶魚鹽家有焉江陽郡治也  
故犍為岐江都尉建安十八年劉璋立鄜注

東逕樊石灘又逕大附灘水經

頻歷二險也鄜注

又東過符縣北邪東南鯢部水從符關東北注之水經  
漢志有



縣故巴夷之地漢武帝建初六年以唐蒙為中郎將  
從萬人出巴符關者也其鯁部之水所未聞矣或是  
水之殊目非所究也

翻注 故符縣在今  
叙州府合江縣西

又東北至巴郡江州縣東強水涪水漢水白水宕渠水  
五水合南流注之

水經

強水即羌水也宕渠水即潛水渝水矣巴水出晉昌  
郡宣漢縣巴嶺山西南流歷巴中逕巴郡故城南西  
南入江庾仲邕所謂江州縣對二水口右則涪內水  
左則蜀外水即是水也江州縣故巴子之都也秦置  
巴郡漢初平元年分巴為三郡於江州則永寧郡治

也

郡注 江州即今巴縣江津綦江二縣亦其地水經羌水出羌中叅谷又東  
南至廣魏白水縣與漢水合又東南過巴郡閬中縣又南至墊江縣東南入

於江涪水出廣魏涪縣西北南至小廣魏與梓潼合梓潼水出其縣北界西南  
入於涪又西南至小廣魏縣南入於墊江墊江今合州也漢水即嘉陵水巴水  
一名北水其下流為宕渠水水經潛水出巴郡宕渠縣注潛水蓋漢水支分潛  
出故受其稱劉澄之稱白水入潛然白水與羌水合入漢是猶漢水也縣以延  
熙中分巴立宕渠郡蓋古賓國也今有賓城縣有渝水夾水上下皆賓民所居  
又水經白水出朝陽縣西注云蓋邑郭淪移川渠狀改故名舊傳遺稱在今也

又東至枳縣西延江從牂牁郡北流西屈注之

水經

東逕陽關巴子梁江之兩岸猶有梁處巴之三關斯  
為一也江水又東右逕黃葛峽又左逕明月峽東至  
梨鄉歷雞鳴峽江之南岸有枳縣治華陽記曰枳縣  
在江州巴郡東四百里治涪陵水會庾仲邕所謂有  
別江出武陵者也水乃延江之枝津分水北注逕涪  
陵入江故亦云涪陵水也江水又東逕涪陵故郡北  
又東逕漢平二百餘里左自涪陵東出百餘里而屆



於積石東為桐柱灘

鄜注 陽關在今巴縣東漢枳縣屬巴郡今重慶之涪州及長壽鄆都二縣皆其地涪陵亦屬

巴郡今黔州彭水武隆三縣是也水經延江水出犍為南廣縣又東至犍河營縣東屈北流至巴郡涪陵縣注更始水又東南至武陵西陽縣入於西水西水東南至沅陵縣入於沅沅水見後

又逕東望峽東歷平都

水經

峽對豐民洲舊巴子別都也華陽記曰巴子雖都江

平州又治平都即此處

鄜注 後漢析枳縣地置平都縣今重慶府鄆都是也

又逕虎鬚灘

水經

灘水廣大夏斷行旅

鄜注 今忠州西二里有石梁亘三十餘丈橫截江中俗呼倒鬚灘即此

又東逕臨江縣南

水經

華陽記曰縣在枳東四百里東接胸忍縣

鄜注 漢臨江屬巴郡今為忠

州及墊江縣胸忍漢縣屬巴郡胸音幼今夔州府雲陽萬縣開縣梁山地忍漢書作臆

又東得黃華水口

水經

江浦也

鄜注

左逕石城南

水經

庾仲邕曰臨江至石城黃華口一百里

鄜注

又東至平洲

水經

洲上多居民

鄜注

又東逕壤塗而歷和灘又東逕界壇

水經

是地巴東之西界益州之東境故得是名

鄜注

又東右得蔣龜谿口

水經

華陽記曰胸忍縣出靈龜自此谿也

鄜注

又東會南北集渠

水經



二谿水涪陵縣界謂之于陽谿谿水北流注於江謂  
之南集渠口亦曰于陽谿口又南一百里入胸忍縣  
南入於江謂之北集渠口別名班口又曰分水口

又右逕池谿口

水經

蓋江汜決入也

郡注

又東逕右龍

水經

水至於博陽二村之間有盤石廣四百丈長六里而  
復殆於咀塞江川夏沒冬出基亘通渚

郡注

又東逕羊腸虎臂灘

水經

楊亮為益州至此舟覆懲其波瀾蜀人至今猶名之

曰使君灘

郡注

又東彭水注之

水經

水出巴渠羣獠中東南流逕漢豐縣東而西注彭谿  
謂之清水口彭谿又入逕胸忍縣西六十里南流至

於江謂之彭谿口

郡注 漢豐縣即今夔  
州府開縣胸忍見前

又東右逕胸忍縣故城南

水經

常璩曰縣在巴東郡西二百九十里縣治故城跨其  
山坂南臨大江江南岸有方山枕側江濱

郡注

又東逕瞿巫灘

水經

即下瞿灘也又謂之博望灘左則湯谿水注之水源  
出縣六百餘里上庸界南流歷其縣翼帶鹽井一百  
所巴川資以自給粒大者方寸中央隆起形如張傘



故因名之曰傘子鹽有不成者形亦必方異於常鹽矣湯谿下與檀谿水合上承巴渠水巴渠南歷檀井谿之檀井水下入湯水湯水又南入於江名曰湯口

酈注

又逕東陽灘 水經

常璩曰水道有東陽下瞿數灘山有大小石城靈壽木及橘圃也 酈注

又逕魚復縣之故陵又東為落牛灘逕故陵北 水經

江側有六大墳庾仲邕曰楚都丹陽所葬亦猶枳之巴陵矣故以故陵為名 酈注 魚復漢縣屬巴郡今為奉節縣故陵在縣西接雲陽縣界北三里有赤甲城即故城也

又右逕夜清而東歷朝陽道口又東左逕新市里南 水經

常璩曰巴舊立市於江上今新市里是也 酈注

又東右合陽元水口 水經

水口出陽縣西南高陽山東東北流逕其縣南丙水注之水發縣東南柏枝山山下有丙穴穴中有嘉魚亦襄漢丙穴之類也其水北流入高陽谿谿水又東北流注於江謂之陽元水口 酈注 陽縣在今奉節縣界

又東逕南鄉峽東逕永安宮南 水經

劉備終諸葛亮受遺處其間平地可二十許里江山迥闊入峽所無 酈注 永安宮城即今奉節縣治

又東逕諸葛亮圖壘南 水經



石磧平曠望兼川陸有亮所造八陣圖東跨故里皆累細石爲之自壘西去聚石八行行間相去二丈因曰八陣既成自今行師庶不覆敗皆圖兵勢行藏之權自後深識者所不能了

酈注 今奉節縣南有八陣圖磧

又東南逕赤岬西

水經

是公孫述所造因山據勢周迴七里一百四十步東高二百丈西北高一千丈南連基白帝山甚高大不生樹木其土悉赤土人云如人袒胛故謂之赤岬山

酈注 赤岬一作赤甲在奉節縣東十五里

又東逕魚復縣故城南

水經

故魚國也地理志江關都尉治公孫述名之爲白帝

章武二年劉備改白帝爲永安巴東郡治也白帝城周迴二百八十步北緣馬嶺接赤岬山西南臨大江闕之眩目江中有孤石爲涇預石冬出水二十餘丈夏則沒亦有裁出矣縣有夷谿即狼山清江也經所謂夷水出焉

酈注 白帝山在縣東元和志云即州城所據與赤岬山相接

卷第七十四



Blank page with vertical lines for text.

行水金鑑

卷第七十五

江水

又東逕廣谿峽水經

斯乃三峽之首也其間三十里頽巖倚木厥勢殆交  
北岸山上有神淵淵北有白鹽崖高可千餘丈俯臨  
神淵土人見其高白因名之天旱燃木岸上推其灰  
燼下穢淵中尋則降雨峽中有瞿塘黃龍二灘夏水  
迴復沿沂所忌蓋自昔禹鑿以通江郭景純所謂巴  
東之峽夏后疏鑿者又東出江關入南郡界

東隔江十里又東有黃龍灘虎鬚灘後漢岑彭傳注江關  
舊在赤甲城後移在江南岸對白帝城在今魚復縣南

自關東逕弱關捍關水經



捍關廩君浮夷水所置也弱關在建平秭歸界昔巴楚數相攻伐藉險置關以相防捍秦兼天下置立南郡自巫山皆其城也又東過巫縣南鹽水從縣東南

流注之

酈注 捍關在今長陽縣南秭歸今歸州是也

又東烏飛水注之

水經

水在天門郡淩中縣界北流逕巫縣南西北歷山道三百七十里注於江謂之烏飛口

酈注

又東逕巫縣故城南

水經

縣故楚之巫郡也秦省郡立縣以隸南郡吳孫休分建平郡治巫城城緣山為墉南臨大江故謂之夔國

酈注 巫縣故城在今夔州府巫山縣東北寰宇記云晉移今治在夔州東南七十二里

又東巫溪水注之

水經

溪水導源梁州晉興郡之宣漢縣東又南逕建平郡秦昌縣又逕北井縣西有鹽井井在縣北故縣名北井建平一郡之所資也鹽水下通巫溪溪水是兼鹽水之稱矣鹽水又南屈逕巫縣東有聖泉下注谿水谿水又南入於大江

酈注

又東逕巫峽

水經

杜宇所鑿以通江水也郭仲產云按地理志巫山在縣西南而今縣東有巫山將郡縣居治無恒故也

酈注

川總志巫峽在巫治東三十里即巫山也與西陵峽崑峽並稱三峽連山七百里略無斷處有十二峯曰望霞翠屏朝雲松巒集仙聚鶴淨壇上昇起雲飛鳳登龍聖泉沿峽首尾一百六十里



歷峽東逕新崩灘

水經

此山漢永元十三年崩晉太元二年又崩當崩之日水逆流百餘里湧起數十丈今灘上有石或圓如簞或方如屋若此者甚衆皆崩崖所隕致怒湍流故謂之新崩灘其類巖所餘比之諸嶺尚爲竦桀其下十餘里有大巫山非唯三峽所無乃當抗峯岷峨借嶺衡疑其翼附青山並槩青雲更就霄漢首尾一百六十里謂之巫峽自三峽七百里中兩岸連山略無闕處重巖疊障隱天蔽日自非停午夜分不見曦月至于夏水襄陵沿沂阻絕王命急宣有時朝發白帝暮到江陵其間千二百里雖乘奔御風不以疾也春冬

之時則素湍綠潭迴清倒影絕巘多生檉柏懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屢引淒異空谷傳響哀轉久絕故漁者歌曰巴東三峽巫峽長猿鳴三聲淚沾裳

郾注

又東逕石門灘

水經

灘北岸有山山上合下開洞達東西緣江步路所由

劉備爲陸遜所破是逕此門遂發憤而薨矣

郾注 今湖廣荊州府巴

東縣東北有石門山

又東過秭歸縣南

水經

縣故歸鄉地理志曰歸子國也袁崧曰屈原有賢姊



聞原放逐亦來歸喻令自寬全鄉人冀其見從因名曰秭歸即離騷所謂女嬃嬋媛以詈余也縣東北數十里有屈原舊田宅雖畦偃縻漫猶保屈田之稱也縣北一百六十里有屈原故宅

鄴注 今荊州府歸州治即秭歸故城

又東逕城北

水經

其城憑嶺作固夾溪臨谷據山枕江北對丹陽城南枕大江嶮峭壁立信天固也楚子熊繹始封丹陽之所都

鄴注 今歸州東有丹陽城

又東南逕夔城南

水經

跨據川阜西北皆枕深谷東帶鄉谿南側大江熊摯始治巫城後疾移此蓋夔徙也春秋左傳僖公二十

六年楚令尹子玉城夔者也服虔曰在巫之陽秭歸

歸鄉矣

鄴注 今歸州東南有夔城

又東逕歸鄉縣故城北

水經

素崧曰父老傳言原既流放忽然暫歸鄉人喜悅因名歸鄉

鄴注 今歸州東南大江南岸有故城

又東逕信陵縣南

水經

臨大江東傍深溪溪源北發梁州上庸縣界南流逕縣下而注大江

鄴注 今歸州東有信陵廢縣

又東過夷陵縣南

水經

江水自建平至空冷峽即宜都建平二郡界也

鄴注 夷陵漢

南郡都尉治空冷峽在歸州東南三十里



歷峽東逕宜昌縣之埵窰下水經

江之左岸絕岸壁立數百丈飛鳥所不能棲有一火  
爐埵在崖間父老傳言昔洪水時人薄舟崖側以餘  
燼埵之巖側至今猶存鄴注 洽聞記云空冷峽絕壁有一火燼長  
數尺名曰插窰相傳堯時洪水行者泊舟崖

側炊爨以餘燼插之鄭常蓋亦據此注耳  
記稱鄭常據此注鄭不知是何人也

又東流頭灘水經

其水並峻激奔暴魚鼈所不能游行者常苦之其歌  
曰灘頭白勃堅相持倏忽淪沒別無期袁崧曰自蜀  
至此五千餘里下水五日上水百日也鄴注 流頭灘  
在今夔陵州界

又東逕宜昌縣北水經

分夷道狼山所立也縣治江之南岸北枕大江與夷

陵對界鄴注 今夔陵州  
西有宜昌故城

又東逕狼尾灘而歷人灘水經

袁崧曰二灘相去二里人灘水至峻峭南岸有青石  
夏沒冬出其石嶽崟數十步中悉作人面形或大或  
小其分明者鬚髮皆具因名人灘也鄴注

又東逕黃牛山水經

下有灘名曰黃牛灘南岸重嶺疊起最外高崖間有  
石如人負刀牽牛人黑牛黃成就分明此巖既高加  
江湍紆迴雖途逕信宿猶望見此物故行者謠曰朝  
發黃牛暮宿黃牛言水路行深迴望如一矣鄴注 黃牛山  
在夔陵州西

又東逕西陵峽水經



宜都記曰自黃牛灘東入西陵界至峽口一百許里山水紆曲而兩岸高山重障非日中夜半不見日月絕壁或千許丈其石彩色形容多所像類林木高茂略盡冬春猿鳴至清山谷傳響泠泠不絕所謂三峽此其一也崧言峽中疊嶂秀峰奇構異形固難以詞叙林木蕭森離離蔚蔚乃在霞氣之表仰矚俯映彌習彌佳流連信宿不覺忘返目所履歷未嘗有也既自欣得此奇觀山水有靈亦當驚知已於千古矣

西陵在夔陵州西北二十里

歷禹斷江

水經

南峽北有北谷村兩山間有水清深潭而不流者舊

傳言昔是大江及禹治水此江小不足瀉水禹更開今峽口水勢并衝此江遂絕於今謂之斷江也

鄴注夔陵州

西南有斷江山

出峽東南流逕故城洲

水經

洲附北岸上有步闡故城方圓稱洲周迴畧滿吳西

陵督步騭所築也

鄴注今為夔陵州治

又東逕故城北

水經

所謂陸抗城也城即山為墉四面大險江南岸有山

孤秀從江中仰望壁立峻絕袁崧為郡嘗登之矚望

焉

鄴注故城在夔陵州東南大江南岸

又東逕白鹿巖又東歷荆門虎牙之間

水經



荆門在南上合下開閭徹山南有門像虎牙在北石壁色紅間有白文類牙形並以物象受名此二山楚之西塞也水勢急峻故郭景純江賦曰虎牙桀豎以屹峩荆門鬪竦而盤薄圓淵九迴以懸騰溢流雷响而電激者也鄴注 桑陵新志云虎牙山在州東南五十里磯石大小蹲踞隱見正如虎牙戟列舟人望而避之乃由荆門而上是虎牙更險於荆門也

又東南過夷道縣北夷水從佷山縣南東北注之水經

漢武帝伐西南夷路由此出故曰夷道鄴注 夷道縣在故城在今宜都縣西佷山

故城在今長楊縣西夷水篇云夷水出巴郡魚復縣東南過佷山縣南又東過夷道縣北東入於江夷水首出魚復江尾入宜都江行五百餘里是亦荆州之沱也古時自巴入楚避三峽之險皆由此路

禹岷山導江東別為沱之所經以今輿地言之江水

出四川松潘衛徼外岷山流逕衛北衛本禹貢梁州之域後為氏羌地漢置湍氏道

屬蜀郡唐為嘉誠縣松州治明置松潘衛屬四川都司在成都城西七百六十里又東南逕壘溪營西營在茂

西又逕翼水縣西二百步今廢翼州在營西翼水廢縣在營南又東南逕

茂州西茂州在成都府西北四百十五里本漢汶江縣後周改汶山縣唐為茂州治元和志汶江北自翼州流逕汶山縣西二里又西

南逕威州西玉輪江注之威州在府西北四百五十里本漢廣柔縣唐為薛城縣維州治其故城在今州

北高礪山上亦曰姜維城州西北有滴博嶺玉輪江即汶水又西南逕保縣西保縣在茂州西南四十里本漢驩縣後

周為汶川縣江源記岷江南入溢村逕石紐至汶川轉銀嶺合草坡河至蠶崖入灌口括地志石紐山在汶川縣西七十三里又東南逕

灌縣西沱水出焉灌縣在成都府西少北一百五十二里唐為導江縣元和志大江西自茂州界流入逕青城縣北二里寧

宇記大阜江自灌口流逕青城縣北入溫江縣界青城廢縣在今灌縣西南玉壘山在縣西北離堆在縣西南或曰即灌口山宋河渠志阜江支流迤北曰都石洞口澗導江崇寧九龍濠陽達於漢之洛東南曰馬騎口澗導江崇寧郡溫江成都華陽灌縣舊志大江經縣西三十三里分為二派其一東南經崇慶州至新津者今謂之南江其一東循灌城者今謂之北江北江又分為三派其一



東南逕温江過府城南入新津合大江者為流江其一自縣寶瓶口直東入五斗口東北經郫新繁過府城北折而南合流江者謂之郫江其一自寶瓶口東北穿三泊洞又東北經新繁新都至漢州入雒者為湔水參考諸說大阜江即郫水寶瓶江之正流有元和寰宇九域等書可証郫江即禹貢梁州之沱流江乃李冰所穿與郫江為二江者郫江號北江唯東合湔洛又東南至江陽入江者為禹貢之江沱餘皆後人所穿鑿或以郫江創自李冰且指流江為岷江之正道

**江水又東南逕温江縣西崇慶州東**  
温江在府西少南五里本漢郫江原二  
縣地元和志大江俗謂之温江南流經縣西一里寰宇記郫江一名阜里水自青城縣南流經温江縣入江源縣界成都新志云大阜江本岷江正流自離堆鑿後乃以流江為正流而以此為南江  
又東南逕新津縣東北  
流江注之崇慶州在府西南九十里本漢江原縣

**又東南逕眉州東**  
眉州本漢武陽縣元和志大里又經通義青神二縣東皆去縣三里有武陽故城隋改武陽曰通義唐為眉州治彭山故城在州北青神故城在州南本朝康熙六年併入  
又

**南逕嘉定州東**  
嘉定本漢南安縣地後周分置平羌縣隋改曰青衣又步又云大江自平羌流入龍游縣界  
又東南逕犍為縣北  
犍為在州平羌即今峨眉縣在州西六十里  
又東南逕犍為縣北  
犍為在州二十里亦漢南安縣地寰宇記導江水在玉津縣西五里  
又在犍為縣東二十步玉津唐屬嘉州其廢址在今縣北

**賓縣東北合馬湖江**  
宜賓為叙州府治本漢犍道縣犍為郡治元和志汶江流逕犍道縣東北去縣十步馬湖成在縣西二十一里按馬湖江在縣南門外即若水下流亦曰瀘水  
又東南逕南

**溪縣南**  
南溪在府東南一百二十里本漢犍道縣地  
又東逕江安縣北  
江安在瀘州西南本漢江陽縣地  
又

**東逕納溪縣北**  
納溪在州西南四十里亦漢江陽縣地  
又東北逕瀘州東南沱

**水合湔雜諸水從西北來注之**  
瀘州本漢江陽縣今州治即其故城隋改縣曰瀘川唐為瀘州治華陽國志江陽江中有大關小關季春黃龍堆沒關即平元和志汶江水經瀘川縣南三十步寰宇記謂之瀘江按雜江在州北亦曰湔水亦曰雜水互受通稱漢志云湔水出玉壘山東南至江陽入江水經注云  
沱水自灌縣西

**南首受大江東逕郫縣北**  
郫縣在成都府西四十五里漢志蜀郡郫縣北三十一里  
又東逕新繁縣南  
新繁在府西北五十六里本漢繁縣括地志縣有繁江首受郫

**又東逕成都縣北**  
漢舊縣今為四川成都府治括地志郫江一名成都江一名市橋  
又東逕新都縣



南 新都在府北五十里漢舊縣 又東逕金堂縣南

金堂在府東北七十里本漢新都牛鞞二縣地郫江至縣東南合瀾水亦曰五城水酈道元云瀾水東絕縣雒逕五城界至廣都北岸南入於江謂之五城水口此涪水枝津自五城縣界西合瀾郭又西至成都城東南入流江

又東南逕簡州北

簡州在府東一百五十里本漢牛鞞縣 又東南逕資陽縣

西 資陽在州東南六十里本漢資中縣地 又南逕資縣西

資縣在府東三百里本漢資中縣 又南逕富

順縣東

富順在叙州府東北一百八十里本漢江陽縣地 又東南逕瀘州北又東南與

江水會

酈道元云縣水至江陽縣方山下入江謂之縣水口蓋自五城以下瀾郭縣洛互受通稱縣水口即沱水口 江水又

東逕合江縣北

合江在瀘州東一百二十里本漢符縣 又東北逕江津縣北

又東北逕巴縣東南西漢羌白涪巴渝諸

慶府南一百八十里本漢江州縣地 又東北逕長壽縣南

水自北來注之

巴縣為重慶府治本漢江州縣後周改曰巴縣唐為渝州治按自渝上合州者謂之內江庾仲邕所云涪內水是也自渝或瀘上蜀者謂之外 又東北逕長壽縣南

又東北逕涪州北涪陵江水自南來注之

涪州在府東四百五十里本漢地

枳縣隋改置涪陵縣唐為涪州治大江在州北方輿勝覽謂之蜀江自成都登舟十二程至此合黔江即涪陵江 又東北逕鄧都

縣南

鄧都在忠州西二百里本漢枳縣地 又東北逕忠州南

北逕萬縣南

萬縣在夔州府西四百五十里本漢胸忍縣 又東北逕雲陽縣南

西一百七十里本漢胸忍縣後周改曰雲安寰宇記蜀江在雲安縣南三十步

又東逕奉節縣南夷水故

道出焉

奉節夔州府治本漢魚復縣唐改曰奉節瞿塘峽在縣東即古廣谿峽也寰宇記云灩澦堆周圍二十丈在夔州西南二百步蜀江中心

瞿塘峽口冬水淺屹然露百餘丈夏水漲沒數十丈亦曰猶豫言舟子取途不

最號險惡按夷

水一名清江 又東逕巫山縣南

巫山在府東一百三十里本漢巫縣縣下巫峽灘瀧稠險流洄洑其危又過夔峽三十五里至神女廟廟前灘尤洶怒

又東逕巴東縣北

里本漢巫縣地

又東逕歸州南

梁為歸鄉縣

歸州在荊州府西五百二十五里本漢秭歸縣 又東逕彝

陵州南

彝陵在荊州府西少南二百里本漢夷陵縣 又東逕宜都縣北與夷水合

宜都在州東南九十里本漢夷道縣

夷水本首受奉節縣之大江今建始縣北



建始在夔州府東南本漢巫縣地晉分置建始縣屬建平郡唐屬施州縣南至州一百三十里夷水故道自巫山縣南流入縣界其故道皆

已墮塞唯從縣南受施州衛開蠻界水東逕巴東長

陽長陽在夔州西南八十里本漢猇山縣屬武陵郡隋更名長陽唐改楊為陽其故城即今治縣南七十里廢巴山縣即古捍關至宜都

縣北又東入于江經所謂東別為沱者禹所導一為

梁州之沱今鄂江是也一為荊州之沱古夷水是也

禹貢錐指

又東至于澧過九江至于東陵

禹貢 澧音禮史記漢書俱作禮

澧水名東陵地名

孔氏傳 水經澧水篇澧水出武陵沅縣西歷山東過其縣南又東過零陽縣之北又東過作唐縣北又

東至長沙下雋縣西北東入於江沅縣即今九谿永寧二衛屬湖廣岳州府

九江之水禹前先有其處禹今導江過歷九江之處

非是別有九江之水 孔氏疏

九江即荊州所謂九江孔殷是也此九江發源山澤分支別派以入於江而江則過之也江水既過九江又至於東陵也 尚書全解

東陵巴陵今岳州巴陵縣也地志在廬江西北者非是 書經集注

孔傳云江於此州分為九道正義曰傳以江是此水大名謂大江分而為九猶大河分為九河也潯陽記有九江之名雖名起近代義或當然陸氏釋文曰九江尋陽地記云一曰烏白江二曰蟬江三曰烏江四曰嘉靡江五曰畎江六曰源江七曰廩江八曰提江九曰箇江張須元緣江圖云一曰三里江二曰五州



江三曰嘉靡江四曰烏土江五曰白蚌江六曰白烏  
江七曰箇江八曰沙堤江九曰廩江參差隨水長短  
或百里或五十里始於鄂陵終於江口會於桑落州  
太康地記曰九江劉歆以為湖漢九水入彭蠡澤也

湖漢水東至彭澤入江又鄱陽縣有鄱水餘汗縣有餘水艾縣有修水南城縣  
有盱水建城縣有蜀水宜春縣有南水南壘縣有彭水又長沙國安成縣有盧  
水皆入渭按秦始皇滅楚以其都壽春置九江郡太史

公曰余南登廬山觀禹疏九江淮南子曰禹鑿江而  
通九路地里志廬江尋陽縣下云禹貢九江在南皆  
東合為大江王莽改豫章曰九江郡柴桑縣曰九江  
亭應劭曰江自尋陽分為九郭璞江賦曰流九派乎  
尋陽自西漢以迄東晉皆言大江至尋陽分為九江

禹之所疏鑿而尋陽記緣江圖又備列其名元和志  
云江州尋陽郡禹貢揚荆二州之境揚州云彭蠡既  
瀦今州南五十二里彭蠡湖是也荊州云九江孔殷  
今州西北二十五里九江是也彭蠡以東為揚州界  
九江以西為荊州界此亦遵舊說九江孔鄭異義而  
不言其處所諸家皆謂在潯陽其以洞庭為九江者  
自宋初胡旦始而晁以道曾彥和皆從之朱子九江  
辨曰九江若曰派別為九則江流上下洲渚不一今  
所計以為九者若必首尾短長均布如一則橫斷一  
節縱別為九一水之間當有一洲九江之間沙水相  
間乃為十有七道於地將無所容若曰參差取之不



必齊一則又不知斷自何許而數其九也况洲渚出沒其勢不常江陵先有九十九洲後乃復生一洲是豈可以為地理之定名乎此不可通之妄說也若曰旁計橫入小江之數則自岷山以東入於海處不知其當為幾千百江矣此又不可通之妄說也且經文言九江孔殷正以見其吐吞壯盛浩無津涯之勢決非尋常分派小江之可當又繼此而後及夫沱潛雲夢則又見其決非今日江州甚遠之下流此又可以證前二說者為不可通之妄說也九江即洞庭既有山水二經為根據而又得朱子此辨其不在潯陽亦明矣 曾氏說九江一曰沅出洋柯且蘭縣東北注洞庭湖入江二曰漸一名澹水

出武陵索縣東入沅三曰無出洋柯且蘭縣東南入沅按說文無本古舞字故無水或加水作濩又作澩四曰辰出武陵辰陽縣東入沅

五曰叙一作序出武陵義陵縣西北入沅六曰酉出武陵充縣東南入沅七曰湘出零陵始安縣東北入沅八

曰資一作資出零陵都梁縣東北入沅九曰澧出武陵充縣東北注洞庭湖入江朱子考定九江去

無澧二水而易以瀟蒸一曰瀟江亦名營水出營陽冷道縣留山北流注湘水二

曰湘江三曰蒸江漢志作承後漢作蒸出邵陵縣界至陵承縣北東注於湘四曰澧江五

曰沅江六曰漸江七曰叙江八曰辰江九曰酉江按

朱子據導江文江先合澧而後過九江故不數澧然

澧實會南江以東注洞庭非上流自入江也安得而

不數無字誤作元朱子以為亡是水故置之古無瀟

水酈道元云瀟者水清深也湘中記曰湘川清照五

六丈下見底石如檣蒲是納瀟湘之名矣然則瀟湘



猶言清湘非別有瀟源隋唐以後始謂瀟水出九疑山北合湘水是曰瀟湘耳武陵零陵長沙之水皆入沅湘如蒸水者頗多金吉甫云郴水亦入湘舊不列九江未知與漸叙二水大小若何然則朱子所更定亦未有以見其為必然也善乎林少穎之言曰九江之名與其地勢久遠不可強通然各自別源而下流入江則可以意曉也斯真通人之見傳同叙云九江不必求其有九如太湖一湖而得名五湖昭餘祁一澤而得名九澤皆不可以數求也此說本程泰之恐又不然當時必實有九水會同故以為名但水道通塞離合古今不常自戰國時唯知有湘沅資微澧而

名之五渚矣况後世乎與其出此入彼不若闕疑之為得耳

禹貢錐指

江水

自夷道縣北

又東逕上明城北

水經

江水

自夷道縣北合夷水

又東過枝江縣南沮水從北來注之晉太

元中苻堅寇荊州刺史桓沖徙渡江南使劉波築之移州治城也其地夷敞北據大江江沱枝分東入大江縣治洲上故以枝江為稱地理志曰江沱出西南東入江是也盛弘之曰縣舊治沮中後移出百里洲西去郡一百六十里縣左右有數十洲槃布江中其百里洲最為大也其中桑田甘果映江依洲自縣西至上明東及江津有九十九洲

郡注上明城在今松滋縣界今移江縣東有枝江故城百里洲在



行水金鑑卷七十五  
縣東北六十里寰宇記引荆州圖曰百里洲其上寬廣土沃人豐洲首派別南  
為外江北為內江嘉靖初為江水衝斷今為上百里洲下百里洲沮水篇沮水  
出漢中房陵縣東南流經沮陽縣東南又東南逕汶陽郡北又東  
南逕當陽縣北又南逕麥城西又東南過枝江縣東南入於江

又東會沮口水經

楚昭所謂江漢沮漳楚之望也酈注

又南過江陵縣南水經

縣江有洲號曰枚回洲江水自此兩分而為南北江

也酈注 枚回洲在江陵縣西南六十里

又東逕鷺尾洲水經

北合靈溪水水無泉源上承散水合承大溪南流注

江酈注

東得馬牧口水經

江水斷洲通會酈注

又東逕江陵縣故城南水經

故楚也今城楚船官地也春秋之渚宮矣秦置南郡

漢景帝改為江陵縣北對大岸謂之江津口故洲亦

取名焉江大自此始也家語曰江水至江津非方舟

避風不可涉也故郭景純云濟江津以起漲言其深

廣也酈注 江陵故城即今荊州府治江自枚回洲分流至此復合勢益大

又東逕郢城南水經

地理志曰楚別邑故郢矣酈注 今江陵縣東北三里有郢城

又東得豫章口水經

夏水所通也西北有豫章岡蓋因岡而得名矣酈注



又東至華容縣西夏水出焉水經

江水左迤為中夏水右則中郎浦出焉江浦右迤南

派曲而極水出之地勢世謂之江曲者也鄴注 漢志南

首受江東入沔行五百里華容故城在今監利縣界水經夏水出江流於江陵縣東南注之江津豫章口東有中夏口是夏水之首江之汜也屈原所謂過夏首而西浮碩龍門而不見也龍門即郢城之東門也

又東南當華容縣南涌水出焉又東涌水注之水經

水自夏水南通于江謂之涌口春秋所謂閭敖游涌

而逸于二水之間者也鄴注 涌水在今監利縣南

又逕南平郡孱陵縣之樂鄉城北又東南油水從東南

來注之又東右合油口水經 樂鄉城在今松滋縣東

又東逕公安縣北左會高口水經

江浦也對黃州鄴注 今公安縣東北五十五里有公安故城

又東得故市口水經

水與高水通也鄴注

又右逕楊岐山北水經

山枕大江山東有城故華容縣尉舊治鄴注

又東左合子夏口水經

江水左迤北出通於夏水故日子夏口也鄴注

又東左得侯臺水口水經

江浦也鄴注

右得龍穴水口水經

江浦右迤也北對虎洲又洲北有龍巢地名也昔禹



南濟江黃龍夾舟舟人五色無主禹笑曰吾受命于天竭力養民生死命也何憂龍哉于是二龍弭鱗掉尾而去故水地取名矣酈注

自龍巢而東俞口水經

夏水泛盛則有冬無之江水北岸上有小城故監利

縣尉治也酈注

又東得清揚土塢二口水經

江浦也酈注

右逕石首山北又東逕赭要水經

赭要洲名在大江中酈注石首山在今石首縣西北孫宗鑑曰自竟陵南至大江並無上陵之阻渡江至石首始

有淺山石首者石自此而首也

左得飯筐上口水經

秋夏水通下口間相距三十餘里赭要下即楊子洲在大江中二洲之間常苦蛟害昔荆飲飛濟此遇兩蛟斬之自後罕有所患矣江之右岸則溝水口口上即錢官也水自牛皮山東北通江北對清水洲洲下接生江洲南即生江口水南通澧浦江水右會飯筐上口江浦所入也酈注

又右得上檀浦水經

江澆也酈注澆音詐水名說文水在漢南荊州浸



行水金鑑卷之五

五



